

شہید فدا احمد

ڈیکھئے فدا میں اسٹال

سگار پبلی کیشنز

دگوش

هچنڀرء اءار هءء راءء اءازء نءسء انء ءه اءء ءءابء ءءام اوں بهرء ءوبر پوء ءوءا ءء اسءنء هوءار ءءام اوں شءءء ءء سهلهء ءءا ءءا ءءءء به ءءءء۔ په اءء ءءز انء هاءرءء الءى انء ءه ءءه سءار ءءءى ءءسءءءء نءسءءءى ءرءءءءء اءازء ءرءء به ءءءء۔

سءار ءءءى ءءسءز


ءوءء اسءوءءءءء آرءءءءءءء آراءء

www.bsoazad.site

ءءا ءءءء: 2023

لڑ

شمار	سر حال	تاکدیم
1.	نیرانیں فد احمد	01
2.	پرہیں کانفرنس	28
3.	بی ایس اوئے پنجابی لس مجلس گشتانک	41
4.	بی ایس اوئے پنجابی لس مجلس گشتانک	56
5.	مندء لس مچی گشتانک	66
6.	تربتء لس مچی گشتانک	75





نمبر انیں فدا احمد

اداره

چوناھارا جی بُند پتر وتی تہ ء انچو باز مہکم انت کہ چوشیں باز کم مردم بنت کہ آئی
ء در ء جاگہ کن انت۔ ء راجی بند پتر ء تاکاں زندگ بوگ پہ ارزانی ء ہمک جہد کاریں
مردماں نسیب نہ بیت بلے لہنتیں انچیں مہکم ء کوه بالادیں کردار بنت کہ آوت
بند پتر (تاریخ) جوڑ بنت ء آگوں وتی جو انیں کرد، مہکمیں زانشت، ہنر مندی ء بودشتاں
ابدماںیں کرد ادا کن انت کہ آیانی کار ء کرد پہ راج ء راھشونی ء ما زمان بیت۔ چوشیں



کردانی ہڈا بندھمک راج ء نسیب نہ بیت ، ء اگاں کجام اوں راجے ء بہت ء کہ چوشیں
 مزن شانیں کردارے کپت گڑاپہ ہماراج ء الہی بیت کہ چرائی ء زانشتی دنیا ء نپ ء
 پانگ بہ زوریت ء آئی ء زندگ بہ داریت ، اگاں نا آئی ء گنما راج ء گنما ء ما زمان
 بیت۔

نیرا میں فدا احمد بلوچ راجدوستی ء یک سرجمیں درورے کہ بلوچ ء ہمسستی ،
 بلوچ راجمان ، لہز انک ء زبان ء بلوچ سیاست ء دیروٹی ء گہبودی ء کاراں بگردانکہ بلوچ
 راجی آجوتی ء جنزہ سیاسی ء مذاحمتی ادارہ ء مہلوکی ہمکاری ء درے ، پہ بلوچ ء و شیں باندا تے
 ء فدا احمد ہرچونیں جاوراں ہر کجا ساڑی آت۔ چہ آئی ء رچتن ء پدمروچی چل سالان رند
 اوں بلوچ مہلوک فدا احمد ء پہ بلوچ راج ء ہاتر ء یک فدا میں کردے سرپد بیت ء فدا احمد
 ء جہد ، آئی ء کار ء کرد ء پکر ء لیکہ مروچی ہم پہ بلوچ راج ء بلوچ سیاست ء دیروٹی ء چوڑ
 کٹشان آت۔ بلوچ دژ مناں فدا احمد ء لیکہ ء کار ء کردانی اوپار نہ کنگ ء سوب ء فدا احمد جانی
 بستار ء چہ بلوچ جنزہ ء سست ء گستاکت ، بلے مردمی بند پتر شاہد انت کہ جان ء سہار و آنت
 بلے سوچ ء پکر کدی اوں گنگیر کنگ نہ بنت۔ فدا احمد بلوچ راجی جنزہ ء ہما مہکسین توکل ء
 سنگر انت کہ آنا پڑتگ زانت ء نیکہ دمبرگ بلکسین آداں بلوچ ڈیھہ ء آجوتی ء یک پیم ء
 جنزان کنت۔ فدا احمد نہ تہنا پہ بلوچ راج ء یک مہکسین راہشونے آت بلکسین پہ دنیا ء



ڈرائیں نرورہ ایردستیں راجاں یک مہکمیں توارہ کردارے ات۔ آئی بنداتی سرکل ۽ دیوانانی گپ ۽ تران ۽ گشتاںکاں بگردانکہ زندہ گڈی گشتانک ۽ آپہ بلوچ راج ۽ دنیا ۽ ایدگہ ایردستیں راجانی راجی و تو اجہی ۽ آجونی ۽ ہاترہ زور آورانی ہلاپ ۽ گپ ۽ تران کنگ ۽ ات۔ چہ فدا احمد ۽ مزن شانیں کردہ بلوچ دژمن چہ بندات ۽ ترس ۽ نیم ۽ آماج ات ۽ گڈسرہ آئی ۽ اوپارہ ۽ ہائیگاں جواب دات۔ پے ۽ کہ فدا احمد گوں وتی یکیشلیں چپاکشی ۽ جہد ۽ پے وتی راج ۽ مہلوک ۽ انجیں کردارہ توارے جوڑ بوگ ۽ ات کہ دژمن ۽ زانت ایش اگاں گیش زندگ بہ بیت گڑا آؤکیں باندات ۽ پے بلوچ راجی جنرہ ۽ یک بلاہیں راہشونے ۽ بستارہ ۽ دیم ۽ اتک کنت، ہمے رد ۽ دژمن وتی داشتنگیں کاسگ چٹاں (کہ اے کاسگ چٹ مرچی نیشئل پارٹی ۽ راہشونانی بستارہ ۽ بلوچ ۽ نام ۽ سیاست کنگ ۽ دژمنی کردے پیلو کنگ ۽ انت) پر مائیت کہ فدا احمد ۽ بہ جنرات۔ دژمن ۽ کاسگ چٹانی چم ۽ دل اول پے لب ۽ لچ ۽ چرپیں دپارے ۽ کور بنت ۽ فدا احمد ۽ نمیران کن انت ۽ بلوچ راج ۽ چہ یک مزن کرداریں ہستی ۽ زہر کن انت۔

فدا احمد ۱۹۵۷ء ماں کچھ ۽ دگ کوشک ۽ واجہ غلام محمد رند ۽ بی بی زلیخا ۽ گیس ۽ وتی چم پچ کت انت۔ آئی وتی وانگ ۽ زانگ ۽ بندات چاہسر مڈل اسکول کچھ ۽ بندات کت ۽ دہمی تبک ۽ چکاس چہ تربت ہائی اسکول ۽ سو بین کت۔ ۽ پے گیشتریں وانگ ۽ زانگ ۽



ہاتر ء ڈگری کالج کچھ ء شت کہ ہموداں چہ بی ایس او ء آژنا بوت۔ اے وهداں بلوچ سیاست ء تہ ء بی ایس او یک مزین نامے ات، چیا کہ وهدے نیب ء سر ء سرکار بندش جنت ء آئی ء راہشوناں گپت ء زنداناں بند کنت گڑا بلوچستان ء تہ ء ایدگہ سیاسی چست ء ایرانی سر ء ہم بندش جنگ بیت۔ ہمے میان ء بلوچ ء سلاہ بندس گلانی جہداں دو بردیم ء کابنت ء پہ آہانی پرورش دیگ ء ہاتر ء کانی کساس ء پاکستانی پوج ء سپاہیگ بلوچستان ء آرگ بیت ء یک مزین لشکر کشی یے بندت کنگ بیت۔ اے وهداں بی ایس او بلوچ سیاست ء یکیں تاکت بیت کہ آئی ء سر ء سرجم ء بندش جنگ نہ بیت ء بی ایس او ء باسک ورناء نو در بر ماں کالج ء یونیورسٹیاں یکجاہ بنت ء وتی جہد ء بر جاہ دار انت۔ اے وهداں بی ایس او دو بہر ء تہ ء بہر بیت، یکے تہناچہ "بی ایس او" ء نام ء زانگ بیت ء دومی "بی ایس او عوامی" ء نام ء پجارگ بیت۔ بی ایس او ء اے بہر ء بانگ ء تہ ء چہ سرکار ء گیش بلوچ ء جند ء چندے میا پرستیں مردم ہوار بنت، کہ آبی ایس او ء جوڑ بوگ ء دو سالاں پد آئی ء بہر ء بانگ کن انت ء چہ بی ایس او ء دگہ بی ایس او اینٹی سردارے جوڑ کنگ بیت انت ء پدا ہمے اینٹی سردار انت کہ دیمتر ء بی ایس او عوامی ء تہ ء بدل کنگ بیت انت۔ تربت ء دمگاں بی ایس او عوامی ء چست ء ایرگیش بنت، گڑا نمیرا نیں فدا احمد وتی سیاست ء بنداتی



سپر ء چہ 1971 ء بی ایس عوامی ء پلیٹ فارم ء بندات کنت ء بی ایس او ء باسکی زورگ ء پد
آگوں ژندی ء وتی سیاسی چست ء ایراں بندات کنت۔

1973 ء زمانگ ء بھٹو ء هکو متی ء میان ء بھٹو نیب ء هکو مت ء هلاس کنت ء
بلوچستان ء پوچی لشکر کشی یے بندات کنت۔ اے وهد ء فدا احمد بی ایس او عوامی کچھ هکین
ء هکیننی کار مستر (صدر) بیت انت ء گل ء هندی کارانی ته ء سر جمیں جهد کارے ء بستار ء
بهر زوریت۔ بھٹو ء زمانگ ء همے لشکر کشی ء ته ء بے کساس بلوچ نمیراں کنگ بیت ء
بازینے زورانسری آوار جنگ ء گار ء بیگواہ کنگ بیت۔ زور آور ء اے جنگی ناروائی ء یکدم
دیم ء آهگ ء آئی ء دیم ء دارگ په بلوچ ء یک مزنیں چیلنجے بیت بلے چه ایشی ء ابید اوں
بلوچ پُتگ اے جنگ ء باراں وتی کوپگاں زور آنت ء آئی ء هلاپ ء پاد کایت۔ پاکستان
ایران ء کمک ء اے لشکر کشی ء بلوچستان ء جتا جنائیں دور ء دمگاں تالان کنت ء اے میان
ء آئی ء پوچی لشکر لس مہلوک ء مزنیں مڈی یے پل ایت۔ ایران ء پاکستان ء را کمک
کنگ ء یک سو بے ایش ات کہ اے وهداں یک نیمگے نیب سرکار چو شمکہ راجدوستی (نیشنل
ازم) ء لیکه ء بنیات ء بلوچ ء یکجاہ ء یکمشت کنگ ء جهد ء ات ء دومی نیمگ ء بی ایس او یک
مہکمیں رنگے ء بلوچ ء جهد ء دیم ء برگ ء ات، ایران ء ترس همیش ات کہ اے جهد ء
زربشت ء اسر ء ساں بلوچ ڈیھہ ء ایراں ء ایردستیں بهر ء بلوچانی سر ء مه کپ آنت،



پہیشک بلوچ جہد ۽ هلاپ ۽ ایران سرجم ۽ گوں پاکستان ۽ اوشمتوک آت۔ زور آورانی همے لشکر کشی ۽ هلاپ ۽ 1973ء فدا احمد ۽ سروکی ۽ کچ ۽ یک مزین روانکے در کیت کہ آئی ۽ تہ ۽ یک مزین کساسے ۽ مردم بہر زور آنت۔ کچ ۽ هند ۽ دمگاں بلوچ راجی جیڑہ ۽ بستار ۽ اے روانک ۽ یک باز مزین ارزشتے آت، چے ۽ کہ چد ۽ پیش اے رنگیں هاسیں سیاسی چست ۽ ایرنہ بوتگ آت۔

چہ تربت ڈگری کالج ۽ بی ایڈ کنگ ۽ پد فدا احمد بلوچستان مزین شہدر برجاہ (UOB) ۽ آکنکس ۽ تہ ۽ ایم اے کنت۔ اے وهداں بلوچ سیاست ۽ هاسکار بی ایس او ۽ سیاست ۽ تہ ۽ یک باز مزین بدلی یے کیت انت۔ بی ایس او اینٹی سردار کہ چہ پیشاں آئی ۽ سر ۽ پیپلز پارٹی ۽ کم ۽ باز اسر ۽ سان ایر بنت، 1973ء لشکر کشی ۽ پد بلوچ ورنات ۽ چہ آئی (پی پی پی) ۽ سرجم ۽ دور دار آنت ۽ وتی یک جتائیں کشکے گر آنت۔ ۽ هما بلوچ راهشون کہ گوں نیب ۽ همگرنج ات آنت، آدزگیر کنگ ۽ زنداناں بندیک کنگ بوت آنت۔ اینٹی سردار گروپ گوں بی ایس او عوامی ۽ یکجاہ ۽ هوار بوت کہ اے وهداں بی ایس او عوامی ۽ کماش میر عبدالنبی تنگزی آت کہ آ 1972ء ۽ بنجاہی لس مجلس ۽ گل ۽ بنجاہی کماش گچین کنگ بوتگ آت۔ اے وهداں کہ فدا احمد بی ایس او ۽ هکنینی بستار ۽ سیاست کنگ ۽ بیت گڑا بلوچ سیاست ۽ تہ ۽ یک مزین بدلی یے کیت انت۔ بی ایس او عوامی چہ اینٹی سردار ۽



پی پی پی ۱۱ اور ۱۲ ساناں درکیت ۱۱ گوں بلوچ راجی جنر ۱۱ ہمگر نچ بو ان بیت، کہ آئی ۱۱ اولیٰ
 بنجای کماش استیں دور ۱۱ بلوچ راجی آجوتی ۱۱ جنر ۱۱ راہشون میر عبدالنبی بنگلزنی بیت
 انت۔ بلے وھدے کہ چہ بھٹو ۱۱ نیہگ ۱۱ بلوچستان ۱۱ پوجی لشکر کشی بندات کنگ بیت گڑابی
 ایس او ۱۱ کماش میر عبدالنبی بنگلزنی گوں بازیں بی ایس او ۱۱ گو سنگیں (سابقہ) سنگت رو
 آنت ۱۱ بلوچ سلاہ بندیں جہد ۱۱ بہر زور آنت۔ گڑاے وھداں بلوچ راجمان ۱۱ فدا احمد ۱۱ کار
 ۱۱ کرد ۱۱ زمہ داری گیش بنت۔

ہمہ درگت ۱۱ فدا احمد شمال ۱۱ روت ۱۱ ہمود ۱۱ وتی سیاسی چست ۱۱ ایراں برجاہ دار
 بیت۔ شمال ہنکین ۱۱ زمہ داریاں وتی کوپگ ۱۱ زوریت ۱۱ گل ۱۱ گیش شاہگانی ۱۱ ہاتر ۱۱ وتی کرد
 ۱۱ پیلو کنت، ہمہ کارانی پدا آزوت شمال ہنکین ۱۱ کار مستر گچین کنگ بیت انت۔ بلوچ نبشتہ
 کار یوسف بلوچ وتی کتاب ۱۱ تہ ۱۱ نبشتہ کنت کہ بھٹو ۱۱ زمانگ ۱۱ فدا احمد ۱۱ راہشونی ۱۱ بی ایس او
 (عوامی) یک پارٹی ۱۱ بستار ۱۱ بلوچستان ۱۱ گنر گنر ۱۱ کار کنگ ۱۱ بوتگ ۱۱ بلوچ راجی آجوتی ۱۱ کلوہ ۱۱
 بلوچ ۱۱ گس گس ۱۱ سر کنگ ۱۱ بوتگ۔ وھدے کہ بلوچ ورنہ بھٹو ۱۱ لشکر کشی ۱۱ زوراک ۱۱
 پالیسیانی ہلاپ ۱۱ پاد اتلگ آنت گڑابی ایس او ۱۱ ورنایانی سر ۱۱ ہم مز نہیں کریک ڈاؤن
 جنگ بوتگ ۱۱ یک مز نہیں کسا سے ۱۱ بی ایس او ۱۱ ورنہ نادز گیر کنگ ۱۱ زنداناں ۱۱ بند کنگ بوتگ



آنت۔ بلے فدا احمد، حکیم بلوچ، غلام محمد ء ایدگہ بازیں لیکھی راہشونانی سوب ء بی ایس او راجی بیرک ء مہکم داریت ء بلوچ ورناء مہلوک ء راہشونی ء ما زمان جوڑ بیت۔

اے میان ء فدا احمد بلوچستان مزن شہد ربر جاہ شمال ء وتی سیاسی چست ء ایرانی ہمبرائی ء وتی زانشتی عملاں اولں بر جاہ دارایت۔ فدا احمد نہ تہنیک شتریں سیاسی جہد کار ء راہشونے بوتگ، بلکیں آیک باز سرپد، زانکار ء ہضر مندیں نودر برے بوتگ۔ فدا احمد ء مزن شہد ربر جاہ ء سنگت رزاق نادر وتی یک نبشتا کئے ء تہ ء نبشتہ کنت کہ مزن شہد ربر جاہ ء تہ ء فدا احمد چہ بودناک تریں نودر براں یکے بوتگ۔ یک رندے مزن شہد ربر جاہ ء یک گشتا کئی مکابلہ یے اڈ دیگ بوتگ آت گڑا آئی ء تہ ء فدا احمد ء بہر زرتگ آت ء سوینی ء اولی نمبر وتی نام ء کنگ آت۔ فدا احمد نہ تہنیک وانندہیں نودر برے آت بلکیں نبشتہ کاری ء تہ ء اولں آئی ء مزین دزر سے است آت، برے برے شعر ہم نبشتہ کت، فدا احمد ء یک شعرے "پیتل" ہما و ہد ء روتا ک نوائے وتن ء شنگ بوتگ۔ فدا احمد ء تہ ء نبشتہ کنگ ء یک ہاسیں ہضرے بوتگ کہ آئی ء بلوچی، انگریزی ء اردو زبانوں نبشتانک نبشتہ کنگ ء وتی گیشیں ہیال نبشتا کئی ڈروشم ء دیم ء اورتگ آنت۔ رازق نادر شیت کہ فدا احمد یک سگیں دل سپا ء پڑا بمینیں مردے بوتگ کہ آئی ء گوما کسے ء ذاتی جیڑہ ء



جنگلے نہ بوتگ ء نیکہ آئی ء چوشیں ناوشیں ہیل ء آدے گون بوتگ کہ چہ آئی ء کسے ء
دل آزار بہ بیت۔ فدا گوئیں سیاسی جہد کار بلوچ سیاسی بند پتر ء تہ ء ہسابی انت۔

فدا احمد کہ وھدے پہ گیشیں وانگ ء ہاتر ء بلوچستان ء مزن
شہد بربر جاہ (UOB) ء روت گڑاود ء سیاسی چست ء ایرانی سوب ء سیاسی بستار ء گیش
پہنگ بو ان بیت۔ اے وھداں فدا احمد دنیا ء ایدگہ ایردستیں راجی ججز ء سیاسی
موبلائزیشنانی بارو ء پیٹ ء پول کنت ء بازوان ایت۔ چوشکہ اے وھداں دنیا ایردست ء
نزوریں راجاں چہ سویت یونین ء نیمگ ء بازیں مکے رسگ ء بیت، گڑا فدا احمد سویت
یونین ء دنیا سوشلسٹ لبزانک ء اول گول باز دلجمی ء وان ایت ء سر پد بیت۔ گول ہھے
وانگ ء زانگاں آئی ء راسما بیت کہ بلوچ راجمان ء ہاسکار بلوچ راجی ججز ء شتریں سیاسی گل ء
پارٹی ء زوروت ہست انت کہ آبلوچ ء جہد ء سو بھندی ء گوماپہ منزل ء سر بہ کن انت۔
فدا احمد راجی ججز ء یک شتریں نگدی جائز ہے ء گرگ ء رنداے رد ء کار ء بندات کنت۔
فدا احمد ء بگی کوششت ہھے بیت کہ آورنایان ء (چوشکہ اے وھد ء بلوچ درنایانی مزنیں
کچے دو جاگہ ء بہر ء بانگ بنت) یکجاہ ء مہکم کنگ ء ہاتر ء کار بہ کنت ء اے رد ء آئی ء اے
جہد ء کوششت سو بین بنت۔ 1978 ء کراچی ء وھدے کہ بی ایس او عوامی ء کنونشن یے اڈ
دیگ بیت گڑا فدا احمد آئی ء سیکٹری جنرل گچین کنگ بیت۔ ڈاکٹر امیر بخش ء گنگ انت



کہ اے کنونش ء فدا احمد ء جہدھے بیت پہ کماش (چیئر مین) ء ہاتر ء اکرم دوست گچین کنگ بہ بیت بلے اکرم دوست چہ وتی چندے زاتی دزگٹیا نی سوب ء دیم ء نیت انت، گٹرا پہ کماشی ء ہاتر ء مولا بخش دیم ء کیت انت۔ اے کنونش پہ بلوچ ورنایانی یکجا ہی ء واستہ راہ ء دراں گیش پچ کنت۔ اے وهداں بلوچ لیڈر شپ سرجم ء بند گجاہاں بند بیت ء اے کنونش ء دیمد رانی دیوان ء پاگوا جہی ء بلوچ گوریلا کمانڈر شیر محمد مری ء احمد نواز کن انت۔ ڈاکٹر امیر بخش کشتیت کہ اے ہھے کنونش انت کہ چہ آئی ء پد فدا احمد بلوچ ورناء لیڈر شپ ء یکجاہ کنگ، آیاں گوں راہی جنز ء ہمگر نچ کنگ ء ہاتر ء سکین دنت۔ اے وهداں بلوچ سیاست ء تہ ء بی ایس او ء یک مز نیں ارزشتے پمیشکہ داریت کہ بلوچستان ء تہ ء دگہ چوشیں دگہ ہچ رنگیں سیاسی پارٹی یے نہ بیت کہ آبلوچ راہمان ء بلوچ جنز ء راہشونی ء بہ کنت۔

فدا احمد بلوچستان مزن شہدر بر جاہ (UOB) ء ایم اے اکناکس ء سرجم کنگ ء پد 1981 ء چہ بلوچستان مزن شہدر بر جاہ ء دومی ایم اے ء انگریزی شعبہ ء تہ ء کنت۔ چہ بلوچی ء براہوئی شعبہ آئی نیمگ ء فدا احمد ء راہلوچی ء براہوئی زبان زانتی ء بنیاد ء سر ٹیفیکٹ دیگ بیت۔ چہ اے گپ ء زانگ بیت کہ فدا احمد ء وتی زبانی وانگ ء زانگ ء چینکس ہب ء واہگ بوتگ۔



وہدے کہ ضیاء الحق ۽ دؤر ۽ ڈیجھ ۽ مارشل لاء جنگ بیت ۽ بھٹو پاهو دیگ بیت
 ۽ زنداناں بندگیوں بلوچ راہشون چہ زنداناں آجو کنگ بنت۔ بلوچ سیاسی بندپتر ۽ تہ ۽
 البش ہم یک پر ارزشنداریں زمانگے کہ بازیں بلوچ راہشون چہ زنداناں ۽ دراگ ۽ پدوتی
 سیاسی کشک ۽ راہاں مٹین آنت۔ بندگیجہ ۽ تہ ۽ بابا خیر بخش مری ۽ کنگ ۽ سک باز کوششت
 کنگ بیت آنت، بلے چہ ایدگہ راہشونانی اگگیری ۽ سوب ۽ نواب خیر بخش مری اوں چہ
 بندگیجہ ۽ آجو کنگ بیت۔ چوشکہ خیر بخش مری اے گپ ۽ سر ۽ سرجمی ۽ بمیہ دارایت کہ
 پاکستان ۽ ہلاپ ۽ آجوتی گرگ ۽ راہ ایوک ۽ سلاہ بندیں جہد آنت ۽ پدا ہمے وهداں
 مزین کساسے ۽ جتائیں مری ٹکانی مردم افغانستان ۽ آباد بنت۔ دومی نیمگ ۽ عطا اللہ
 مینگل ہم در ملک ۽ روت آنت ۽ غوث بخش بزنجو پاکستان ۽ آمیدگی سیاست ۽ بندت
 کنت۔ بلوچستان ۽ جاورہال کیرے پدا مٹ بنت، جتائیں پگر ۽ ہیال دیم ۽ کانت۔ چوشکہ
 اے ہبر ۽ تہ ۽ چچ پیمنیں بھکے نیست آنت کہ بلوچستان ۽ سیاست ۽ تہ ۽ بی ایس او ۽ اسر ۽
 سان مدام بوتگ آنت، آاسریک پائیدگندیں بنیادے ۽ بوتگ آنت یا کہ اناں بلے اسرالم
 بوتگ آنت، چوشکہ جنزل ضیاء مارشل لاء وهد ۽ بی ایس او ۽ بازیں راہشون ۽ جہدکارے
 چیر بیت ۽ بازینے ماں یورپ ۽ افغانستان ۽ خلیج ۽ نیمگ ۽ روت آنت، بلے فدا احمد ۽
 واہشت ہمیش آت کہ ہمے گرائیں جاوراں بی ایس او ۽ نایانی یک پلیٹ پارے ۽ بستار ۽



بلوچ راجمان ء راجی آجوتی ء واسطہ مہکمیں دابے ء کار بہ کنت۔ ہمے وھداں نمیرا میں حمید بلوچ اوں پاھو دیگ بوتگ ات۔ حمید بلوچ ء پاھو دیگ ء سوب ایش ات کہ حمید ء بلوچان ء عمان ء پونج ء برتی بوگ ء عمل ء ہلاپ کنگ ات کہ عمان ء ہلاپ ء ظفاری جہد جھنگ ء انت ء آ بلوچاں بہا زور انت ء وتی پونج ء بہر کن انت۔ حمید بلوچ ء گھگری ء سوب ء آ پاھو ء درجنگ بوت۔ چہ آئی ء ایش گھگری ء پاھو ء ساد ء چنگ ء پد بلوچ ورنایانی تہ ء نوکیں آشوبی جوزگے ء سرچست کت۔ چہ پاھو ء پیسر حمید بلوچ وتی جنک ء نام ء مندی یے نبشتہ کنت ء گش ایت کہ "من ء وتی اے کار ء سر ء چھ پیس پشومانی یے نیست انت ء وھدے کہ شامزن بے گڑا پھر بندات کہ شامیک زندگیں بلوچے ء چک ات۔" چہ زور آوریں استانی سرکار ء نیمگ ء حمید بلوچ ء پاھو دیگ ء ہلاپ ء بلوچ ورنایاں ہاسکار بی اہیں او ء ورنایاں ٹوھیں زرمبشتے پادکت۔ اے درگت ء چہ سانس کالج کوئٹہ ء فدا احمد ء سروکی ء یک روانکے کنگ بیت، ہمے روانک ء میان ء فدا احمد دزگیر کنگ ء زور آوریں استان ء بندگیجاہاں بند کنگ بیت، ء آئی ء راسک باز ازیت دیگ بیت۔ بلے چہ ایشاں ابید فدا احمد چہ زندان ء آجو بوگ ء پد بلوچ ورنایاں یک تلو یے ء سر ء چنگ ء ہاتر ء وتی جہد ء تہ ء گیشی کاریت۔ 1984 ء بی اہیں او ء ورنایکجاہ (بی اہیں او عوامی ء بی اہیں او) وتی جناہی لس مجلس (مرکزی کونسل سیشن) یے اڈ دینت ء یک بی اہیں او دیم ء کار انت۔



اے بنجہای لس مجلس فدا احمد ء سروکی ء برجم دارگ بیت ء دیوان ء ہا سلس مہمان مزن
 نائیں بلوچ گور یلا کمانڈر جنرل شیر وف مری بیت۔ دیوان ء بند ء بستتی زمہ واریاں
 نمیرائیں غلام محمد بلوچ وتی کوپگال زوریت۔ اے دیوان وتی تہ ء یک بند پتری مزنیں
 عملے بیت، ہما بی ایس او کہ وتی۔ ٹھشت ء دیم مدام پُرشٹ ء پروش ء آماج بیت، فدا احمد
 گوں وتی سر جمیں جہد ء کوشستاں آئی ء دویر یکجاہ کنت۔ بی ایس او ء ہمسنتی ء سوب ء
 بلوچ ورنانگوں مہکی ء وتی جُجزء گامانی تہ ء کشادی یے کار آنت ء سرکار ء ناروائی ء زور اکیانی
 ہلاپ ء گوں مہکی ء جہد ء کوششت ء ہند ات کن آنت۔ اے رد ء ہوتی خان گشتیت کہ
 دوئیں بی ایس او آئی یکجاہ بوگ ء یکیں سوب فدا احمد ء جہد ء کوششت آنت۔ اے وهداں
 ورنایانی گیشتریں بیسہ فدا احمد ء سر ء بنت۔

ہواریں بی ایس او سال 1986 ء دویر وتی بنجہای لس مجلس ء لوٹائیں ایت کہ
 آئی ء تہ ء یاسین بلوچ بنجہای کماش، کہور خان سینئر کمک ء کماش ء غلام محمد جو نیئر کمک
 کماش گچین کنگ بنت۔ اے وهداں فدا احمد ء نژیکی گوں بلوچ راجی جُجزء راہشون نواب
 خیر بخش مری ء پکر ء فلسفہ ء بیت۔ افغانستان ء رازق ء جالب ٹولی بلوچ راجی آجوتی جُجزء
 بدل ء یک نیملے افغان سرکار ء دومی نیملگ ء چہ پاکستانی سرکار ء گومانژیکی دار آنت، چے ء
 کہ آگوں ہواریں بی ایس او ء آئی ء کار ء پروگراماں تپاک نہ دار آنت۔ اے درگت ء



آیانی یک گپے ایش اوں بیت کہ گوں سردارانی ہمہرائی ء جہد دیم ء برگ بوت نہ کنت۔ بلے فدا احمد ء آئی ء اید گہ پکری سنگت شر سر پد بنت کہ نواب خیر بخش مری ء اید گہ بلوچ جہد کار سرداری ء بستار ء ججز ء بہر نہ بوتگ آنت، بلکیں بلوچ ء بستار ء راجی جہد ء بہر آنت۔ بلے چوشکہ ہمے وش نینکانی جہد ء پد ایک رندے پد ابی ایس او دو بہرائی تہ ء بہر ء بانگ بیت۔ ء کہور خان وتی یک جتائیں ٹولی یے بی ایس او سہب ء نام ء 1987 ء جوڑ کنت۔ فدا احمد ء ڈرائیں جہد ء کوششت کہ بلوچ ورنایکجاہ بہ بنت ء بلوچ راجی آجوتی ء جہد ء دیم ء بہ بر آنت، آئی ء درائیں لوٹ ء واگ ہتیں وش نینتکیں مردماں ہاکاں ہوار کنت آنت کہ آہانی تہ ء ڈاکٹر کہور خان، رازق، جالب ء سرکار ء داشتگیں دگہ ہتیں چانوگر ہوار ات آنت۔ آیاں بلوچ ورنایانی تاکت ء رادژمن ء ہلاپ ء کار مرزگ ء بدل ء بلوچ ورنایانی جند ء ہلاپ ء کار مرزگ ہند ات گت۔ کہور خان ء پاکستانی سرکار پہ وتی مکسد ء سوہمند کنائینگ ء سوہین بوت آنت۔ بلوچستان ء کٹر کٹر ء بی ایس او ء ورنایکیے دومی ء ہلاپ ء جنگ ء چوپ ء پادکاینت۔ اے جنگ ء میٹر ء کشت ء ہون ء کیے دومی ء ہلاپ ء ہون ریچی ء ہنگلی مکسد بلوچ ورنایانی تاکت ء بہر ء بانگ زوال کنگ آنت۔ چہ فدا احمد ء جہد ء کوششتاں ابید یکبرے پد بلوچ ورنات ماں وت گر ء چیل بوت آنت۔



دیتر ء فدا احمد چہ نودر بر سیاست ء پد بلوچ راجی جنز ء تہ ء پارٹی ء هور کیس جاہ ء
 پُر کنگ ء هاتر ء وتی کوششت ء گوں نوکیس رنگے ء بندات کت۔ آھے جیڑایت کہ بی ایس
 اوء باسک چہ یک مز میں سیاسی سپرے ء گوزگ ء پد وهدے کہ یک جاھے ء سربنت گڑا
 آیانی کار کنگ ء عمل اوشت آماج بیت، دیتر ء چوشیں راجی ادارے نیست انت کہ ورنا
 هاپلیٹ پارم ء جہل ء وتی کاراں بر جاہ بہ دار آنت۔ ء نیکہ پہ لس مہلوک ء چوشیں ساگے
 است کہ آ اوء دے بالا بہ کن آنت۔ فدا احمد پہ یک پارٹی ء جوڑ کنگ ء هاتر ء سپر بندات
 کت ء ھے درگت ء افغانستان ء هم روت انت۔ افغانستان ء کساس شش ماہ ء نندایت ء
 نواب خیر بخش مری ء هوار ایدگہ بلوچ راهشونانی گومانند ء نیاد بندات کنت ء آیانی دیم ء
 پارٹی پروگرام ء پیش کت۔

فدا احمد ء افغانستان ء روگ ء اوء ء بلوچ راهشونانی گومانند ء نیاد ء سر ء واحد کبیر
 وتی یادداشتی نبشته آنی تہ ء نبشته کنت کہ "نواب خیر بخش مری 1985 ء وهد ء چہ یورپ
 ء وتی جلا وطنی ء هلاس کنت ء افغانستان ء آبادیس مری تک ء مردمانی کر ء کیت انت گڑا
 من (کہ اے وهد ء کراچی هتکین ء کار مستر باں)، نمیر انیں فدا احمد، میر حمل پرکانی ء
 میر عبدالنبی بنگلزی راجی جنز ء توک ء پارٹی ء هور کیس جاہ ء پُر کنگ ء واستہ گپ ء ثران ء
 هاتر ء افغانستان ء رواں۔ واحد کبیر ء گنگ انت کہ نمیر انیں فدا احمد ء مے میان ء بنیاتی



گپ ۽ نثران راجی جُزء تہ ۽ مہمکیں گل ۽ جوڑ کنگ بوتگ۔ اے درگت ۽ ماتاں سئے ماہ ۽ افغانستان ۽ نشنگ ایں ۽ پدا و اتر کراچی ۽ شنگ ایں ۽ او دے وتی یک دیوانے اڈ داتگ کہ آئی ۽ تہ ۽ من فدا احمد، میر عبد النبی، شگلزئی ۽ مولا بخش دشتی ہوار بوتگ آنت۔ اے دیوان ۽ فدا احمد ۽ وتی احوال پیش کنگ آنت ۽ گشتنگ کہ نواب خیر بخش مری ۽ کہ من ۽ گل ۽ خاکہ ۽ جُست گپتنگ گڑا من آئی ۽ دیم ۽ تنظیمی خاکہ ۽ آئینی ڈھانچہ پیش کنگ آنت بلے بابا مری ۽ ایدگہ مردم آوہد ۽ گل ۽ لوٹ ۽ منگ ۽ جاڈیگ نہ بوتگ آنت۔ ۽ فدا احمد ۽ واہگ ہماوہد ۽ ہمے بوتگ کہ پارٹی یے جوڑ کنگ بہ بیت۔

ڈاکٹر امیر بخش گشتیت کہ فدا احمد چہ افغانستان ۽ و اتر اتلگ ۽ گڑا بازیں جیڑہاں چہ بلوچ راہشوناں ناوش بوتگ۔ ۽ دومی نیمگ ۽ فدا احمد ۽ راہور خان، رازق ۽ جالب ۽ ہم بازیں ہنر ۽ ہیلہانی بنیات ۽ وتی نیمگ ۽ آرگ ۽ جہد کنگ۔ ڈاکٹر امیر بخش ۽ گشتنگ آنت کہ اے وہد ۽ افغانستان ۽ توک ۽ بلوچ راجی جُز دو بہر ۽ تہ ۽ بہر بوتگ۔ یک نیمگ ۽ رازق، جالب ۽ راہور خان ٹولی بوتگ آنت کہ آہانی گل جبل بوتگ کہ آئی ۽ نزدیکوں ہماوہد ۽ سوشلسٹ افغان سرکار ۽ بوتگ ۽ ایشی ۽ ہوار سوشلسٹ بلاک ۽ گوما آسانی گیشیں نزدیکوں یے بوتگ۔ ۽ اے ٹولی ۽ ہمے گپ ۽ پلہ مرزی کنگ کہ اے وہد ۽ بلوچستان ۽ چے تیمیں دابے، کجام کسا سے ۽ کہ جنگے بوت کنت مارا کنگی آنت۔ بلے دومی نیمگ ۽ پی پی ایل ایف



ء مردم بزانکہ نواب خیر بخش مری ء آہانی اید گہ سنگت اداروکی ء اے داب ء جنگ ء منوگر نہ بوتگ انت۔ ایشانی گنگ ہمیش بوتگ کہ داں ہما و ہد ء کہ سویت یونین یا افغان سرکار بلوچ ء آجوتی ء ہک ء نہ من انت ء بلوچ ڈیھہ ء آجوتی ء در شان ء نہ کن انت گڑاما بلوچستان ء تہ ء "پر کسی" یاد گرے ء پائید گانی بنیاد ء گچ ڈول ء جنگ بند ات نہ کن ایں۔ چوشکہ اے و ہد ء پاکستان امریکہ، افغان سرکار ء سویت یونین ء ہلاپ ء کار مرز بوگ ء بیت ء پے آئی ء میر ء گرگ ء ہاتر ء افغان سرکار بلوچاں اے گپ ء متارینگ ء جہد ء کنت کہ پاکستان ء ہلاپ ء گور یلا جنگ بہ کن انت۔ بلے اے بارو ء واحد کمبر گشتیت کہ 1990 ء و ہدے کہ من میر عبدالنبی ننگلزی ء گوما افغانستان ء شنگ اتاں گڑاود ء گل ء حساب ء گچ پی میں کار نہ بوتگ، البت بی پی ایل ایف ء پلیٹ پارم بوتگ کہ چرائی ء نام ء بلوچ ورنہ سویت یونین ء دگہ، لہنتیں جاہاں شینگ ء اتلگ انت ء دومی ہرچی کہ گوں بلوچ راجی بجز ء ہمدردیں ملک بوتگ انت، آہانی گومانند ء نیاد ء و ہد ء ہمے گل ء نام کار مرز کنگ بوتگ۔ بلے اے گل ء وتی چند ء جنائیں رنگ ء دروشم، راہبند ء ترزکار ء پیسلہ سازی یے نہ بوتگ۔ ڈاکٹر امیر بخش ء گنگ انت کہ ہداتی و ہد ء فدا احمد کہور خان ء رازق ء جالب ء ڈروگ ء پندلانی زد ء کپ ایت بلے پدازوتماں اے گپ ء ہارایت کہ اے پے بلوچ راجی بجز ء ہاتر ء راستیں مردم نہ انت، پیمیشکہ زوتماں زوت چہ ایشاں وتی راہ ء جتا کنت بلے چوشکہ



فدا احمدء مستریں لوٹ ہمیش بیت کہ بلوچ راجی آجونی بجزء ہاترء یک انجیں ہمکس
پارٹیء درکار انت کہ آھے جنزء راتاں یک منزلهء سرگت بہ کت۔

فدا احمد چہ بی ایس اوء پارگ بوتگیں ء راجمان ء ایدگہ سیاسی ء لیکھی ورنایانی
یکجاہ کنگ ء پھ بلوچ سیاست ء یک نوکیں راھے ء گچین کنگ ء واستہ بلوچ نیشنل یوتھ
مومنٹ (بی این وائی ایم) ء بُنھشت ء ایر کنگ ء واستہ جہد بندت کت۔ فدا احمدء ہیال
ہمے بیت کہ راجی بجز نپری یا کہ کٹھی بنیات ء سو بھند بوت نہ کت۔ ء دومی فدا احمد اے
گپ ء سرء گیش پگر مند ات کہ ہاسنگت چہ بی ایس اوء پارگ بوگ ء آنت یا کہ دومی ہما
لس مہلوک کہ راجی سنج ء پگرے درایت کہ آھانی کرے ء چوشیں پارٹی یے نیست انت کہ
بلوچ ورنایاں یک پلیٹ پارمے ء بنیات ء یکجاہ بہ کت ء آیاں تحکیں پگر ء فلسفہ ء سرء دیم ء
بہ بجزین ایت۔ اے درگت ء فدا احمد ء جہد سو بھند بیت ء آجنوری 1987 ء بی این وائی
ایم ء بُنھشت ء ایر کنگ ء سو بھند بیت۔ فدا احمد اے پارٹی ء ہنداتی مجلس ء سروکی ء کت ء
مجلس ء تہ ء پارٹی ء پروگرام ء لیکہ ء دیم ء کاریت کہ بی این وائی ایم پاکستانی آمید گس ء
سیاست ء ہچر مٹوک نہ بیت ء بلوچ راجی وتو اجہی ء ہاتر ء آشوبی ترزکار ء بنیات ء جہد
بندت کت۔ فدا احمد پارٹی ء تہ ء ہنجاہی کمیٹی ء باسکے ء بستار ء دیم ء کت۔ بی این وائی ایم
بلوچ ء لیکھی (نظریاتی) سیاست ء بندت گشگ بیت۔ بلوچ ء ہادر آمید گسی لیکھی سیاست ء



بُہشت کہ چہ اودہ آشوبی سیاست ء واستہ پارٹی ء بُہشتی لیکہ ایر کنگ بیت کہ پداچہ ہمود
 ء دیمتر ء چیئر مین غلام محمد بلوچ نیشنل مومنٹ ء بُہشت ء ایر کنت کہ بی این ایم سرجم ء
 گوں راجی آجونی ء لوٹ ء دیم ء کیت انت۔ چہ بی این وائی ایم ء بی این ایم بزائکہ بلوچ
 نیشنل مومنٹ ء گپ ء ہبر ء فدا احمد بندات کنت۔ بلے چہ آئی ء دیم ء آرگ ء پیسر فدا احمد
 نمیران کنگ بیت۔

اگاں بلوچ زالبولانی سیاست ء پڑ ء آگ ء دیمروئی ء سر ء ہبر کنگ بہ بیت گڑا
 اودہ فدا احمد ء نام شموٹنگ نہ بیت، چوشکہ فدا احمد ء کوشستانی بروردات کہ بلوچ زالبول
 سیاست ء میدان ء اتک انت۔ ء بی ایس او ء بی این وائی ایم ء چتائیں مراگش ء پروگراماں
 بہر زوران ات انت۔ فدا احمد وھدے کہ 27 مارچ 1988 ء ماں مند ء بی ایس او ء بی این
 وائی ایم ء نیمگ ء برجم دانشنگیں جلسہ ء کیت گڑا اودہ مز میں کساسے ء بلوچ زالبول جلسہ
 ء بہر زوران انت۔ ہمے راجی جلسہ ء فدا احمد، چیئر مین غلام محمد ء آیانی ایدگہ سنگستانی نیمگ ء
 بی ایس او ء نوک جوڑ بوتگیں بی این وائی ایم ء چکلیں پروگرام دیم ء آرگ بوت، راجی
 جلسہ ء لس مہلوک ء مز میں کساسے ء بہر زرتگ ات ء آھانی لیکہ ء پروگرام پلہ مرزی
 کنگ ات۔ فدا احمد وتی گشتانک ء تہ ء گشت کہ بی این وائی ایم ء جوڑ کنگ ء مول ء مراد
 ہمیش انت کہ چہ گونگیں بیست سالوں بی ایس او آئی ء واستہ جہد کنگ ء انت، بزائکہ



بلوچ ڈیجھہ ۽ بلوچ راج ۽ تو اجمہی، بلوچستان ۽ دری زوراکانی لٹ ۽ پل ۽ ہلاسی، بلوچانی
دودمان ۽ ربید گانی پابازگ، بلوچ ۽ زبانی زندگی دارگ ۽ ایدگہ راجی ہستتائی ۽ پروگرام
ہوارات آنت کہ آفدا احمد ۽ مزنیں پالیسی ۽ پروگرام ۽ دراگازی ۽ کن آنت۔

فدا احمد ۽ ایوک ۽ بلوچستان ۽ دمگاں سیاست نہ کنگ بلکیں یک ایردستیں راجی
راہشونے ۽ جہت ۽ دنیا ۽ سرجمیں ایردستیں راجانی توارے بوتگ۔ اے درگت ۽ فدا
پاکستان پروگریسیو اسٹوڈنٹس الائنس ۽ بہر بوتگ کہ آئی ۽ سیادی گوں انٹرنیشنل
اسٹوڈنٹس فیڈریشن ۽ بوتگ۔ ایٹی ۽ ہوار اسٹوڈنٹس ایکشن کمیٹی ۽ بنہشت ہم فدا احمد ۽
ایرکنگ کہ آئی ۽ تہ ۽ پی ایس ایف، ہزارہ اسٹوڈنٹس فیڈریشن، سوشلسٹ اسٹوڈنٹس
آرگنائزیشن ۽ پی ایس او عوامی ہوار بنت۔ چونکہ فدا احمد لیکھی بستار ۽ پتنگ ۽ بازانتکاریں
مردے بوتگ، ہسے بنیات ۽ فدا ۽ ایدگہ نودربرگلانی ورناسرکل دانگ انت ۽ زانشتی گپ
۽ گال ۽ بہر جوڑکنگ آنت۔ فدا احمد ۽ دنیا ۽ ایردستیں ملک ۽ راجی جُزانی گومایک جوان ۽
مہکمیں سیادی یے داشتگ آنت۔ ظفاری راجی جُز کہ آوہد ۽ سک باز نامد ارات، فدا احمد
خلج ۽ روت ۽ گوں اے جُز ۽ راہشون ۽ جوانیں تزکی یے جوڑکت، ۽ "جبل" ۽ نام ۽ یک
ماہتاکے ۽ چاپ ۽ شنگ کنگ ۽ جہد ۽ بندت کنت۔ کہ اے تاک بلوچ راجی جُز ۽ ظفاری
مومنٹ ۽ یک مہکمیں توارے جوڑ بیت انت ۽ خلج ۽ بلوچاں اے وهد ۽ مزنیں کساسے ۽



چہ راجی جُزءِ سرپدی ء آگاہی رس ایت۔ جبیل چہ پیرس ء بلوچ ء فرانسیمی کمیونسٹ پارٹی ء بارسکانی نیمگ ء شنگ بوؤ کیں "لیمانڈ" ء ڈرچے (سلسلہ) بیت انت کہ آزمانگ ء چرائی ء بلوچ راجی جُزءِ ہوالہ ء دنیا ء دیمروئی دوستیں مردماں علم ء آگہی دیگ بوتگ۔ محبوب جمال دینی یک جاھے ء گشتیت کہ من وتی توامیں زند ء چہ فدا احمد ء مسترین زانکار ء سرپدی کیں نودر بر نہ دیستگ۔ فدا احمد چہ لفت ء سیاست ء کم ء باز اسر مند بوتگ، چوشکد لفت ء سیاست ء میان ء دنیا ء راجی جُزءِ اخلاقی، سیاسی ء مالی کمک کنگ ء بوتگ ات۔ بلے فدا احمد وت یک سرجمیں راجدوستے بوتگ ء بلوچ ء زبان ء لبزانک، بلوچ ڈیھہ، بلوچ دود ء ربیدگ ء بلوچ ء آجوتی ء وتواجہی ء ہاتر ء جہد کنگ ء وتی سرگر بان کنگ۔ فدا ء مدام پہ دنیا ء ایدگہ ایردستیں راجاں یک اخلاقی مککے داشتگ ات۔ بلے آئی ء عملی جہد دائم پہ بلوچ راج ء بلوچستان ء ہاتر ء بوتگ۔

فدا ء کوش ء چیریں راستی

اے درگت ء فدا احمد ء است ء سلامتیں بڑات واجہ منظور احمد فدا احمد ء سی ء سیمی سالر وچ ء درگت ء یک مراگشے ء وتی یک نرانے ء تہ ء گشتیت کہ فدا احمد ء گشذہانی سیادی چہ نیشنل پارٹی ء انت۔ آفدائے کوش ء ویل ء بارو ء گشتیت کہ 2 مئی ء بریگاہ ء نمیرانیں فدا احمد گوں وتی ایدگہ سگت محم جان رضا، یعقوب بلیدی، حفیظ دشتی ء منصور ء ہمبرائی ء



تربت ء وئی کتاب ء وکان ء نندوک بیت کہ نذیر احمد، ایوب (اے الیش ہر دوز امران ء
 چہ منند آنت)، انور ء گلامونامیں کس گوں توپک ء کتاراں فدا احمد ء وکان ء دیم ء اوشت
 آنت۔ فدا احمد ء کشدہاں ء حمید انجینئر فدا ء شون (نشاندہی) ء دنت۔ ء فدا ء کشدہ آئی ء
 زورانسری آوار جنگ ء بیگواہ کنگ ء جہد ء کن آنت، بلے فدا احمد آہانی بیہار ء پاتراپانی دیم
 ء سر جہلی ء بدل ء گہگیری کنت ء آہانی گوماروگ ء واسنہ جاڑیگ نہ بیت۔ ہے آسر ء آئی
 ء کشدہ آئی ء سر ء تیر گوری کن آنت کہ چرائی ء آسر ء فدا احمد نمیران بیت ء آئی ء
 سنگت محم جان رضا، حفیظ ء یعقوب پٹی بنت انت۔ فدا ء کوش ء ویل ء ہواریں ایوب ہما
 وصد ء دزگیر کنگ بیت کہ مرچاں آئیشنل پارٹی ء یک مزنیں راہشونے زانگ بیت۔ فدا
 ء کوش ء ویل ء یک دگہ گواہے کہ رند ء تجیت ء وت ء گار کنت آول مرچاں نیشنل پارٹی
 ء انت، اے سر جمیں کشدہ چہ نیشنل پارٹی ء سرکار ء لب ء لالچ ء آسراتی گر آنت۔ فدا
 احمد ء برات ء کنگ ء رد ء نیشنل پارٹی ء گوستگیں راہشون مولابخش دشتی فدا ء کشدہاں
 لیویز ء نوکری دنت۔ ء اے درگت ء بی ایس او ء گوستگیں راہشون ہوتی خان گوشت کہ
 فدا ء چہ وئی رپتن ء، ہتیں روج پیسر ماراہال داتگ کہ وصدے من کراچی ء جناح
 ہسپتال ء وئی پت ء الارج ء ہنگ آل گڑاود ء اردوزبان ء ہبر کنوکیں، ہتیں مردم اتنگ
 ء من ء گوشنگ اش کہ "تو یک شرین کشکے ء روگ ء نہ یے، ء اگاں تو وئی راہ ء راہبند ء کار



کنگ ء ترزکار مٹ نہ کت انت گڑا تو جنگ بے۔ " فدا احمد ء اے ہبرنی ایس او عوامی ء سینئریں سنگتانی دیم ء کنگ انت۔ زانگ بہ بیت کہ فدا احمد ء اے گپ پیسر ء مارانگ کہ استانی چیریں ادارہ آئی ء تاوان دیگ ء جہد ء انت۔

چوشکہ فدا احمد بلوچ راجی جُزء ء یک مہکمیں پارٹی ء ڈروشم ء فعال کنگ ء جہد ء ات۔ ہوتی خان ء گیشیں گُشگ انت کہ فدا ء رپتن ء پد وھدے کہ پاکستان ء گینکاری (ایکشن) بنت ء بی این ایم ء اکبر خان بگٹی ء سرکار جوڑ بنت گڑا فدا احمد ء رپتن ء اولی سالروچ ء درگت ء اکبر خان بگٹی ماں تربت ء آئی ء گس ء پُرس نامہ پے ء روت انت، گڑا فدا احمد ء آرہیں کماش سرجمیں دیوان ء دیم ء اکبر خان بگٹی ء گوشتیت کہ واجہ فدا احمد پے بلوچ ء بلوچستان ء ہاتر ء نمیران بوتگ، اے وھداں بلوچستان ء شے ء بی این ایم ء ہاکی انت، استیں مزن وزیر ہم توت ءے، گڑا فدا احمد ء گُشدہ چے واستہ دزگیر کنگ ء بند کنگ نہ بنت؟ اکبر خان بگٹی ہما دیوان ء تہ ء وتی دیم ء گول ڈپٹی کمیشنر کچ ء کنت ء گُشتیت کہ شامے مردماں چے ء دزگیر نہ کن ات؟ گڑا کمیشنر پسودنت کہ پے ایشانی دزگیری ء ہاتر ء اد ء لیویز ہج پیم ء رازیک نہ انت، چے ء کہ اد ء لیویز ء واکداریں مردم گُشدہ ٹولی ء سیاد ء وارس انت۔ مزن وزیر ی ء بستار ء اکبر خان بگٹی ڈپٹی کمیشنر ء گُھم دنت ء گوشتیت کہ تودگہ نوکیں ہپت ء ہشت مردم لیویز ء برتی بہ کن ء آھانی پوسٹنگ ء بلیدہ ء بہ



کن، ہمیشائی وسیلہ ء فدا احمد ء گُشدہاں دزگیر بہ کن یا کہ بہ جن۔ بلے چہ اکبر خان بگٹی ء در آہگ ء رند ڈپٹی کمیشنر کچھ پد اچہ وتی گپاں پُشت کنزیت۔ فدا احمد ء کماش ء بازیں گنگ ء جست ء پرساں ابید اول آئی ء گُشدہ دز جنگ نہ بنت، چے ء کہ آہانی یک نیگے زور آدریں سرکار ء دومی نیگ ء آئی ء ہندی دلار بنت۔ منظور احمد (فدا ء برات) ء گنگ ء ردا ء فدا احمد ء کُشدہانی لیویز ء برتی کنوک نیشنل پارٹی ء راہسون مولا بخش دشتی بیت انت۔ دومی نیگ ء ڈاکٹر کھور خان کہ اے وھد ء بی ایس او (سہب) ء کماش بیت، فدا احمد ء کوش ء ایشانی دست اول مان بنت۔ چے ء کہ اے نہ لوٹ آنت کہ فدا احمد بلوچ راجی جُز ء یک لیکھی دور شے ء پارٹی ء گلانی بنیاد ء دیم ء بہ بارت۔ ء ڈاکٹر کھور خان ہم رندا ء چہ سرکار ء مراعات زورایت کہ آیور و کرسی ء تہ ء راہ دیگ بیت۔ فدا احمد ء گُلیں کُشدہ نیشنل پارٹی ء پلیٹ پارم ء سر ء یکجاہ ء یکمشت بنت۔ فدا احمد ء کُشدہ ہک ہا بلوچ ورناء جنگ ء گنگ ء چک ء پد نہ بنت کہ آپہ بلوچ ورنایانی تاکت (بی ایس او) ء مہم گنگ ء ہاتر ء جہد ء بہ بیت۔ ہمے سرپ ء نمیر انیں بدل جلیل ہم ہوار انت کہ آپہ بلوچ ورنایانی یکجاہ گنگ ء ہاتر ء بی ایس او ء مہم گنگ ء جہد ء میان ء نمیران گنگ بیت۔ یوسف بلوچ نمیر انیں غلام محمد ء سر ء نبشتہ کرنگیں وتی یک کتابے ء تہ ء نبشتہ کنت کہ "چہ فدا احمد ء رچن ء یک ماہے پیس بزانکہ 12 اپریل ء بلوچ نیشنل یوتھ مومنٹ ء نیگ ء کراچی ء یک



دیوانے اڈ دیگ بیت کہ اودے فدا احمد اوں لوٹا منینگ بیت، دیوان ء ڈاکٹر عبدالحی، ڈاکٹر مالک ء آھانی اید کہ چندے سنگت اے جہد ء کن آنت کہ بی این وائی ایم پاکستانی آمید گس ء سیاست ء بہر بہ زور ایت بلے فدا احمد ڈاکٹر مالک ء آئی ء اید کہ سنگتاں گوں تکلیں زبانی ء گو شیت کہ بی این وائی ایم مچ رنگ ء پاکستانی آمید گس ء سیاست ء بہر زرت نہ کنت، چے ء کہ پاکستان بلوچ ء پچھینی ء کنگ ء انت، بلوچ ء مال ء مڈیاں لنگ ء پلنگ ء انت ء وتی زور آوری ء مہم کنگ ء جہد ء انت، بلوچ ء زبان ء دود ء ریدگ ء دودمان ء تباہ کنگ ء جہد ء انت، گڑا مچے پیم ء ہمے آمید گس ء بہر جوڑ بوت کن ایں؟ دومی نیمگ ء بی این وائی ایم ء راہ بند ء تہ ء ہم گوں تکلیں گالاں گوشگ بوگ ء انت کہ پارٹی پاکستان ء آمید گس ء سیاست ء مچ پیم ء بہر نہ زور ایت۔ چے ء کہ اے سیاست ء تہ ء بلوچ ء جیڑہ ء تو جیل سازی بوت نہ کنت۔ بلے وھدے کہ ڈاکٹر مالک، عبدالحی ء آھانی اید کہ نام نہادیں راجدوست اے گپ ء سر ء زور دینت ء ہمے گپ ء مٹارینگ ء جہد ء کن آنت کہ بی این وائی ایم پاکستانی آمید گس ء سیاست ء ہاتر ء کینگ چہ کنت۔ گڑا نمیر انیں فدا احمد ء غلام محمد گوں وتی پکری ء لیکھی سنگتاں چہ اے دیوان ء دکش بنت ء در کابنت۔ فدا احمد اے مٹانک ء مٹو گرات کہ پاکستانی آمید گس ء سیاست کنگ بلوچ ء ایر دستی ء ر اگیش مہم کنگ ء سامر اجی تاکت ء ہمکو پگی کنگ ء برابر انت۔ چہ ہمے دیوان ء چندے ماھاں پد



فدا احمد نمیران کنگ بیت انت۔ چه اد ء همے زانگ بیت کہ آئی ء نمیران کنگ ء تہ ء
آستیں نیشئل پارٹی ء باسک ء راهشوناں هوار اید کہ نام نہادیں راجد وست ء سرکار ء کاسگ
چٹانی دست مان انت۔

همے وهداں کہ فدا احمد نمیران کنگ بیت، اے وهداں آئی ء رادل ء نادرانی
هم گون بیت۔ ء چوشکھ داں یک مز نیں مدتے ء فدا احمد ء نام ای سی ایل ء هوار
بیت، همے سوب ء فدا احمد در ملاں اوں شُت کت نہ کنت۔ بلے گڈی وهداں کہ آئی ء
نام چه ای سی ایل ء کنگک بیت گڑا فدا احمد ء واهشت بیت کہ پہ الاچ ء هاتر ء در ملک ء بہ رو
آں۔ بلے چه الاچ کنگ ء پیسر زور آوریں استان ء کاسگ چٹ فدا احمد ء نمیران کن
انت۔ پہ آئی ء در ملاں روگ ء هاتر ء سرکار ء یک دگہ تڑسے ایش هم بیت کہ اگاں فدا
احمد ڈنی ملاں بہ روت گڑا اود ء چهہ منندیں بلوچاں یکجاہ ء آھاں آجونی ء چهہد ء بہر جوڑ
کنگ ء کوششت ء کنت، پھمشکھ چه لندن ء روگ ء پیسر فدا احمد نمیران کنگ بیت۔

فدا احمد یک نیمگے بلوچ راجی آجونی ء مز نیں امیتے بیت ء دومی نیمگ ء دنیاء
هک هما ایر دست ء بزگیں راج ء مہلوکانی توار جوڑ بیت کہ آسامراجی تاکتانی زلم ء
زور اکیانی آماج انت۔ نمیرانیں غلام محمد گشیت کہ فدا احمد ء نمیران کنگ ء مستریں سوب
همے بیت کہ فدا احمد ء بلوچ راجی سیاست ء تہ ء در آمیدگیسی سیاست ء بُنھشت ایر کنگ ء



بلوچ راجی آجونی بجنزہ ہاترہ آشوبی ۽ بدلی ۽ راہ شون دانگ۔ فدا احمد ۽ گڈی واسجاہ پنجگورہ
انت۔ بے نمیر انیں فدا احمد ۽ سماہ بلوچ ڈیہہ ۽ ہمک آتراپاں ابدمان انت۔



پریس کانفرنس 26 مارچ 1979

منی مڑا ہداریں اھوا کاراں!

مرچی شمارا کیمت کنگ ء اد ء لوٹا کینگ ء ہا سیں مول ء مراد ایش انت کہ
سرکار ء آئی ء ادار گاں ہے زوتاں بلوچستان ء ہما زلم، زوراکی ء نا انسا پی کہ کرتگ آنت
آھانی بارو ء شمارا سر پد بہ کن ایں۔ ء چہ شتا ہمے امیت ء دارا ایں کہ شتا بلوچستان ء اڑ ء جنجالاں
مئے پگر ء سنج ء رد ء مئے مہلوک ء سر کن ات۔ پرچہ کہ شتا مہلوک ء زاننکار تریں ٹولی ء
گوں سیادی دارا ات۔



انچو کہ شماسپردات کہ بلوچستان ء سرکار ء کار منداں یک مز نہیں مدتے ء لس
 مہلوک پونز ء ر سینتگ۔ آہانی سر ء زلم ء نا انسا پی ء کوہ اش پر وشتگ آنت۔ سر ء بازار
 آہاناں پہ بے بزگی کشتگ اش۔ ء چرے کرداں زانگ بیت کہ زورا کیں سرکار گریب ء
 واریں مہلوک ء بیرے گرگ لوٹ ایت۔ چہ وتی تاکت ء زور ء مہلوک ء سر ء مز نہیں
 زلمے کنگ ء انت۔ یا کہ واریں مہلوک ء کتگ ء ہاتر ء انچیں لیبے کنگ ء انت دانکہ آئی ء
 لس مردمانی کشت ء کوش ء نیونے دست بہ کپ ایت۔ ماہر وهد ء بلوچستان ء مہلوک ء
 سر ء یو کیں زلم ء زور اکیانی راز پاشک کرتگ آنت۔ وتی مہلوک ء راجوانی ء سرپد کرتگ
 بلے اے زور اکی بسی ء نام ء نہ زانت، بلکیں روج پہ روج گیش بوان انت۔

"ہوشاپ" ضلع تربت ء یک لشکری بجنلے اڈ کنگ ء ہاتر ء اود ء جاہ مندانی
 لوگ ء جاگہاں پہ زور پچ گرگ ء انت۔ ہھے وڑ ء شہد ربر جاہ ء وانگجاہاں کتبیان تر سینگ ء
 بہار دیگ ء انت۔ چہ اے تیمیں بے راہبندیاں لس مہلوک شزار انت۔ مری بگٹی
 دمگاں "پروجیکٹ ایریا" ء نام ء اود ء مہلوک ء کتگ ء آدگ ء پگری مارشت ء لس
 مہلوک ء جہد ء سر ء چیر کنگ ء کوششت ء انت۔ اے رنگیں مز نہیں جیڑہ ء گیری ء ماچدو
 پیسر ہم پنتاک ء روتاکی بیاناں وهد پہ وهد مرداناں سرپد کرتگ۔ ء سرکار ء اے تیمیں



مردم کشیں کردانی دارگ ۽ جہد اوں کرتگ۔ بلے داں انگت آئی ۽ وتی کرد برجم داشتگ
انت۔

ھے سال ۽ بنداتی روچاں سرکار ۽ کار منداں تربت ۽ دو کلگاں شنگ ۽ بے
نوب لوگانی سر ۽ ارش کرتگ۔ ماے پیمیں زہر بروکیں گالگیاں سک ایر جن این۔ اے
درگت ۽ چندے سیاسی راہشون ۽ راہدر براں مئے ہمبر اهداری کرتگ، ما آہانی منت
واریں۔ ماہستیں سرکار ۽ شنگ لوٹ این کہ آوتی مہلوک دژ منیں روشنت ۽ بدل بہ
کت۔ آوہد ۽ ماراھے امیت ات کہ سرکار وتی مہلوک دژ منیں روشنت ۽ دارگ ۽ پرمان
۽ دنت۔ بلے ما پے بژن شنگ ۽ این کہ اے کشت ۽ کوشانی تہ ۽ پیچکیں کمی یے اوں نیتگ
بلکیں روچ پے روچ و دان انت۔

22 فروری 1979ء مند (مکران) ۽ کوشٹل گارڈز ۽ سلاہ بندیں مردماں "بلو"

نابیں کلگے ۽ بیڑ برتگ، شریمندیں ہندی مردم بے نوب لت ۽ گت ۽ کم شرپ کرتگ
انت۔ ایشی ۽ ابید آہانی زڑ، چیز ۽ دست ۽ گڑی اوں پل اتگ انت۔ مکتبی یے پرپٹ ۽ سر
۽ چہ وانگاہ ۽ پیداک بوتگ آئی ۽ پرپٹ پچ گپتگ ۽ جند گوں وت ۽ برتگ ۽ زندانی
کرتگ۔ ھے روچ ۽ بی ایس او (عوامی) ۽ گوں لس مہلوک ۽ صوری ۽ اے زور اکینا بیگیری
۽ مچی ۽ زہر شانی کرتگ۔



ایٹی ء ابید تحصیل بلیدہ ء مکران اسکاؤٹ ء رستراں بے گناہیں شپانکے زور
 گپنگ ء لٹ ء لٹ ء گٹ کرنگ کہ چریشی ء آسر ء آہما سہت ء نمیران بوتگ۔ ماے ویل ء
 ہلاپ ء مزنین کساے ء زہر شانی کرنگ ء داں مرچی ء کنگ ء انت۔ مئے لوٹ ہمیش
 انت کہ اے ویل پلکاریں رنگے ء تپاسگ بہ بیت ء میار باریں اسپر ء ہما داہیں سزا دیگ بہ
 بیت۔ بلے مئے ہمے پُر ایمنین زہر شانی ء سر ء کوسٹ گارڈز ء سپاہیاں بیڑ برنگ، دوئیں
 دیماں سنگ جنوکائی بوتگ کہ چریشی ء مئے بازیں مردے پٹی بوتگ۔ مئے مکتبیاں گوں
 لس مہلوک ء گمک ء کوسٹ گارڈز ء ہوالدارے ء ہواریک سپاہیے آوار جتگ۔ نوں
 کوسٹ گارڈز ء مسٹر لاجار بوتگ کہ مئے گپنگیں مکتبیاں یل ء بہ کنت ء لس مہلوک ء لوٹاں
 بہ من ء بیت۔ ہمے شرت ء رد ء مہلوک ء آوار جتگیں ہوالدار ء سپاہی آجو کرنگ
 انت۔ چہ ایشانی آجوتی ء رند، سرکار ء کار مندوتی کولاں نجات انت (انچو کہ آہانی ر بیت
 انت) ء چہ لس مہلوک ء وتی بیر ء گرگ ء ہاتر ء مکتبیاں مات ء پتانی شزار کنگ، ترسینگ ء
 بہار دیگ بنا کرت۔

"نذر آباد" (مکران) ء مکتبی ء لس مہلوک ء بی ایس او (عوامی) ء راہشونانی
 ہمبر ای ء ڈویژن ء واکدار ناں یادداشتے پیش کرت۔ ایٹی ء تہ ء نذر آباد وانگجہ ڈرائنگیں
 ماڑی ء زوتاں زوت بندگ ء انتزای سلکاریانی دارگ، مند ء ویل ء پلہ مرزانی سزا،



مردماں ارزان ء مپت دارو ء درمان ء آسراتی ء ورگ ء چرگ ء چیزانی پُجارینگ ء پیمیں
لوٹ ہوار ات آنت۔ واکد ارناں داں 20 مارچ ء اے جیڑہانی گیشواری ء موکل دیگ
بوت۔ بلے واکد ار داں ہنوں ء پے کست ء کینگ اے لوٹ ء تلباں سر جم کنگ ء نہ انت۔

25 مارچ ء کوسٹ گارڈ ء ڈائیریکٹر جنرل، مکران ڈویژن ء کمشنر، ڈیٹی کمشنر ء
ایندگہ واکد ار مکران ء بازیں دمگانی تر ء تاب ء مند ء روگ ء ات انت۔ وھدے آندر
آباد ء سر بوت انت، گڑا پیسے ء چہ ساڑی میں ملکتی ء لس مہلوک ء آپہ دارگ ء لاچار
کرت انت۔ آھاں پداوتی لوٹ آھانی دیم ء ایر کرت انت۔ واکد ار اں آھانی لوٹانی
منگ ء بدل ء آزاہ ء بد کرت انت۔ ایٹی ء ابید کوسٹ گارڈ ء اولوتی زور چکاس ات۔
ملکتی ء لس مہلوک ء سر ء تیر گواری کرت۔ ایٹی ء آسر ء بازیں ملکتی ء ابیدگہ مردم باز پٹی
بوت انت۔ یکے سر ء تیرے لگ اتنگ ات ء آئی ء جاور سک گلگ ات۔ وت سریں
تیر گواری ء بگیری ء لس مہلوک ہر دم گپت ء کوسٹ گارڈ اش سنگ رینج کرت۔ ایٹی ء
آسر ء کوسٹ گارڈ ء چیزے سپاہی اول پٹی بوت انت۔ اے جاورانی پھنگ ء ایٹانی سر ء
چار ء پچار کنگ ء بدل ء بگیری ء چہ کار گرگ بوت۔ چہ بی ایس او (عوامی) کار منداں
ابیدگہ بازیں راجی سروکے ء ارزی اش دات ء سر جمیں میتگ اش انکر کرت۔ ملکتی ء
لس مہلوک ء راتر سینگ ء جہد اش کرت ء داں ہنوں ء اے ذریعہ برجاہ انت۔ لس



مہلوک ء اے ویل ء گیری ء جد ء جہد کنگ ء سوژگ کرتگ۔ اے درگت ء نذر آباد،
 بالیچہ، تمپ، مند، ناصر آباد، کلاتک ء تربت ء مکتبیاں شہد ربر جاہ ء وانگجاہ بند کرتگ انت۔
 اے پیمیں ایر جنگ ء لائکئیں کردانی ہلاپ ء زہر شانی کرتگ۔ اے دمگاں بی ایس
 او(عوامی) ء نیمگ ء "سیاہیں روچ" دارگ بوتگ۔

مڑاھد اریں ہالتاک کاراں!

نوں ماپہ اے جیڑگ ء لاجار بوتگئیں کہ اے پیمیں کاراں چہ بلوچستان ء لس
 مہلوک ء بُرد (ارتقا)، ردوم (نشونما) زلم ء زوراکئی ء گیری ء لانک ء مان جنگ ء تنگ ء
 ناموس ء رکینگ ء ہوڑ ء آھاں سزاوار اش کرتگ۔ سرکار ء بلوچ ورناء لس مہلوک ء ہکی
 میں سنج ء پگر ء چہ وتی زلم ء زوراکیاں تاوان دیگ ء نیت کرتگ۔ بلے اے راستی ء ڈالچار
 کنگ چو ارزان نہ انت کہ لس مہلوک ء دژمنی ء زورگ ء آنہ ایوک ء چہ مردمانی
 ہمدردیاں زہر بنت بلکیں لس مہلوک ہم چر اھاں نہ وش بنت۔ واکد اراں اے جوانی ء
 یات دارگی انت کہ اگاں آھاں وتی روشنت بدل نہ کرت، گوں لس مہلوک ء شری ء
 پیش نہ یتک انت، گڑا آچہ وتی سرجمیں زور ء تاکت ء ابید چہ لس مہلوک ء زہر ء کھر ء
 رکت نہ کن انت ء لس مہلوک ء ہار ء دیم ء چو بوچک ء آپ اش بارت۔ بلوچستان ء



چوشیں بدیں کردانی آسر گو سنگیں سرکاراں ہم دیستگ۔ گو سنگیں سرکار ۽ زوراکیاں بلوچ مہلوک ۽ سیاسی جہد ۽ تب چد و گیش شاہیگان تر کرتگ۔

ماچہ اے سرکار ۽ مھے جست کنگ لوٹ این کہ آوت ۽ زالم ۽ زوراک لیک ایت ۽ جیڑہ ۽ پھنگ ۽ بدل ۽ وتی زور ۽ چکاسگ ۽ گچین کنت؟ لس مہلوک ۽ بندیک کنگ، زلم ۽ زوراکیاں چہ وت ۽ ملک دوستے جوڑ کرت کنت؟

مے لوٹ ہمیش انت کہ اے پیہیں جناوری روشنت زوتاں زوت بند کنگ بہ بنت، اے زوراکیاں چار ۽ تپاس کنگ بہ بیت، ۽ میار باریں مردماں گران ۽ چہ گران تریں سزادیک بہ بیت۔ تیوگیں مکتبی ۽ لس مہلوک ۽ دزگیری ۽ ارزی هلاس کنگ بہ بنت۔ اگاں زوراکیاں اے ڈرچ انچو برجم بوت، گڑا مکتبی ۽ لس مہلوک انچو سگ ۽ اوپار کرت نہ کنت۔ اے زوراکیاں بند نہ بوگ ۽ سوب ۽ مالس مہلوک ۽ همکوگی ۽ راستیں گالچ ۽ زورگ ۽ ناملراج ہیں۔

شر پندیں و اہماں! ماہمے سر پدیں کہ اے جن ۽ پروشانی بتی سوب بلوچستان ۽ لشکر ۽ ادار گانی ساڑی بوگ انت۔ لشکر ۽ دزما نجنی ۽ چہ مکتبی ۽ لس مہلوک ۽ بے تائیری ۽ ہرم گرگ ابرمی کردے۔ ہمیشکہ بلوچستان ۽ لشکر ۽ آئی ۽ ادارگ 1973 ۽ نوبت ۽ کہ



ہما جاہ ء بوٹگ انت، ہما جاہ ء برگ بہ بنت۔ بلوچستان ء لشکری بنجل ء پانگسانی بندگ ء کار
ال دارگ ء ہوار اے تیوگ ء ہورک کنگ بہ بنت۔

شر پندیں ہالتاک کاراں!

من دگہ یک جیڑہے ء نیمگ ء شئے واہبانی دگوش ء گور کنگ لوٹ آں، آ
ابش انت کہ بلوچستان ء تر ء تاب ء اتلگیں پی این اے (PNA) ء راہشون مردمی دود ء
ریدگ ء رسم ء رواجاں ء اد ء ہکی نیں تاکتانی بگیری ء یک پیم ء سٹلیں زبانیے کامرگ ء
انت۔ پی این اے ء رھدر بر مولانا مفتی محمود ء سرکار ء نام گپتیں سیاستداناں ماں وتی
گشتانکاں ترس ء ابھی درانگاں اتگ۔ بلوچ ء پشتون مہلوک ء جمہوری جہد ء اوگان ء ثور
آشوب ء پلامرزی ء ہوڑ ء مارا زاہ ء بد کنگ بوٹگ۔ اے واہجاں جمہوری ربیت یکبر ء
گتھماں کرتگ انت۔ رُنگر اھاں چہ سرکار ء اتلگیں مردم، بلوچستان ء سر ء زور اکی ء
ناناسایانی توسیپ کنوک کجام دپ ء آپ ء "گیرت مندی" ء گپ ء کن انت۔ وھدیکہ
آہانی چند ء کرد "گیرت" ء پیہیں لبز ء گوں چھی سیادی نہ داریت۔

مولانا مفتی محمود ء آئی ء رجعت دوستیں ٹولی ء ہاسیں مسد چہ سرکار ء نوکری ء
گرگ انت۔ آھر وھد ء سرکار ء ساڑا انت۔ ہاکمیں ٹولی ء ہمک ساز ء سر ء چنڈین انت۔
چوشیں مردمانی پشتو ء بلوچاں شکان جنگ پراھاں بہ وت لھی گپے۔ بلے کہ مولانا مفتی محمود



ء سرکار چہ صوبہ ۽ سرحد ۽ دزکش بوتگ بلے اے پہ پشتو ۽ بلوچ مہلوک ۽ تورویے نہ انت
بلکیں ہمے ہاتر ۽ سرکار ۽ یل ۽ داتگ کہ آھاں پہ آؤکیں تو پاناں بیم اتلگ۔ اگاں
آھاں راستی واکداری ۽ جو پہ نیست گڑا آنوگیں سرکار ۽ در جمہوری ۽ بے کانودی گامگیجاں
پرچہ ہوار انت؟

وقی ہاکماں گوں وپاداری، مفتی محمود ۽ آئی ۽ نو کریں دوستانی اے پیہیں سلّیں
زبان ۽ کارمرزی، آھانی پرورش ورگ ۽ نشانی انت۔ دومی نیگ ۽ چہ آھانی مردم دژمنی ۽
بے ادبی ۽ ہمے پد بیت کہ اے واجھاں گوں دین ۽ اسلام ۽ چنچو دوستی آست۔ چہ الیشی ۽
اے ہم زاہر بیت کہ اے مردم پہ واکداری ۽ ہاتر ۽ مردمی ۽ مردگری ۽ کیلوانی پادمانی ۽
ھچ چکت ۽ پد نہ بنت۔

مڑاھداریں واجھاں! گپ اوگانستان ۽ آشوب ۽ کہ بیت تہ جماعت اسلامی ۽
مفتی محمود ۽ کوھنکدگ (فرسودہ) ۽ رجعت پسندیں پگر گواچن ۽ بدل کرت نہ کن انت۔
اے چونیں تضادے کہ یک نیگے پاکستان ۽ سرکار اے جار ۽ پڑین ایت کہ آوگانستان ۽
تہی جیڑھاں دزما نجنی ۽ نہ انت بلے دومی نیگ ۽ آ نپ واریں اوگان، مزین خان،
زمیندار ۽ باھوٹیاں پناہ دنت۔ جماعت اسلامی ۽ مفتی محمود ۽ وڑیں مردم مسیتاں سیاسی
مجلس جوڑکنگ ۽ نیون ۽ کوکار ۽ انت کہ نور محمد ترہ کئی ۽ بگیری ۽ جہاد ۽ جار جنگ بہ بیت۔



اگاں اے اوگانشتان ء تہی کارانی تہ ء دزما نجنی نہ آنت گڑاچے انت ء اگاں اے سیاسی پنڈل ء رجعت دوستی ء گام دیگ نہ بوت گڑا اے پہ پاکستان ء لس مہلوک ء نیکیں پالے نہ بیت۔

اوگان آشوب دژمن، باروئی ء ڈنگانی پلہ مرزی ء کنگ ء، توپہ وتی مہلوک ء وتن ء ہچ گہتری یے کرت نہ کن ء۔ سرکار ء ٹولی جوانی ء سرپد انت کہ چہ در ابری پنڈلاں بند پتر پڑاگ نہ بیت۔ اوگان آشوب ء وتی مہلوک ء رژنائیں باند اتے بکشاتگ۔ آچہ وتی کوہنیںھیال ء رجعت دوستی ء گلامی ء تہاریاں دراتگ ء آجوتی ء وشہالی ء منزل ء سر بوتگ انت۔ نوں اود ء واجہی (آقا نیت)، لٹ ء پل، نپ وری، سلکاری (دلور) ء دگہ چاگردی ہرابی ہلاس بوتگ انت۔ مردم ء دستاں مردم ء لٹ ء پل پشت نہ کپتگ۔ ہمیشکہ جماعت اسلامی ء مفتی محمود ء پیہیں رجعت دوستیں ٹولیانی گلی چیدگ (جماعتی برانڈ) "اسلام" ہترہ ء انت۔ اگاں راستی ء لوٹ ء اے ہما اسلام ء گپ ء انت کہ امریکہ ء سامراجی ء لٹ ء پل کنوکیں ٹولی ہر وھد ء کنان ء پیداک انت۔ ء اے واجہ وتی سیاسی مرگ ء چم ء وت گندگ ء انت۔ ہمیشکہ ایسانی پشک ء آس کپتگ ماں۔ بلے ماسد کی گوش ایں کہ بلوچستان ء چوشیں کوہنگیںھیالانی رُست ء ردوم بوت نہ کنت۔ پرچہ کہ بلوچستان ء مہلوک ء اے کوہنگ پرست پہ سنج ء سمارد کرتگ انت۔



شر پندیں حالتک کاراں!

نوں شئے دلگوش ۽ بلوچستان ۽ وانگ ۽ زانگی جیڑہانی نیگ ۽ تریگ لوٹ آں۔
 اے بے وس ۽ بدہالیں صوبہ ۽ لٹ ۽ پل ۽ آماچیں مہلوک ۽ زندگی ۽ ہچ وڑیں حک دیگ
 نہ بوتگ۔ ہمک نوبت ۽ مئے زندگی گوں سیاسی، مالی، راجی ۽ وانگی جیڑہاں مان گیشینگ
 بوتگ۔ اے جیڑہ چد و ساری ہم حالتکانی کمک ۽ ماوتی مہلوک ۽ سر کرتگ انت۔ ۽ سرکار
 ہم سر پد کرتگ۔ بلے انچو گندگ ۽ کیت کہ سرکار اے جیڑہاں گیشینگ ۽ بدل ۽ گیش
 و دیگ ۽ انت۔

بلوچستان ۽ والی (گورنر) ۽ بولان میڈیکل کالج ۽ "پراسپیکٹس" ۽ بدل کنگ ۽
 گوں بازیں جیڑہاں سرچست کرتگ۔ اے بدلی ۽ رد ۽ بلوچستان ۽ حکمداریں مکتبی وتی ضلعی
 سیٹاں چہ ز بہر بنت۔ پرچہ کہ میرٹ ۽ نام ۽ درآمدیں ۽ لشکری اپسرانی چک اے سیٹاں بر
 انت۔ بلوچستان ۽ ہاکم اے گپ ۽ شری ۽ زان انت کہ بلوچستان ۽ وانگی ادارہانی جاورہال
 چون انت۔ وانجہ ۽ شہد ربر جاہ جوڑ کنگ بنت بلے ایشانی تہ ۽ واننوک، لیبارٹری، کتاب ۽
 ایندگہ آسراتی نہ گواہ ایت۔ چوشیں جاورانی ودی بوگ ۽ چہ وانگی میارچہ ہد ۽ گیش جہل
 کپنگ۔ وانگی آسراتیانی نہ بوگ ۽ نوب ۽ اد ۽ مکتبی شریں نمبر گرگ ۽ واب ۽ اوں دیست
 نہ کن انت۔ اد ۽ مکتبی لشکری اپسرانی چکاں گوں چون دیم پہ دیم بوت کن انت۔ وھدیکہ



آہاں ہمک تہرہ آسراتی است انت۔ ایٹی ء ابید، لشکری اسپرانی چک ہاسکار کیڈٹ
 شہدربر جاہاں ء میڈیکل شہدربر جاہاں چہ آؤکیں، ضلع کوئٹہ ء سیٹاں چہی ء برگ ء
 انت؟ اگاں بلوچستان ء سرکار اء چہ منداں راہبند ء رھگیری (نظم و نسق) ء پابند کنت
 گڑا لشکری ادارگاں چہ اے دگہ ادارگاں چہی ء جتالیک ایت؟ واہماں شتاجوانی ء سرپد
 ات کہ اے گپ ء پیسلہ پاکستان ء ایندگہ صوبہاں ہچ وڑ ء نہ بوتگ۔ اے کانود بس
 بلوچستان ء سر ء مشگ بوتگ۔ پاکستان میڈیکل کونسل ء بلوچستان ء سرکار ء ہمے سوچ
 داتگ کہ بلوچستان ء مکتبی ریپیگ مہ بنت۔ ایٹی ء ہوار، مئے گل ء اے کرد ء گیری ء
 "اسٹوڈنٹس ایکشن کمیٹی" یے جوڑ کرتگ۔ اے کمیٹی ء باز رند ء گوں سرکار ء اے
 جیڑہانی بارو ء گپ کرتگ۔ گیشواری ء لوٹ کرتگ بلے دنیگت ء ہاکمانی گوشاں مورے نہ
 وارت۔

ماہمے سرپد بیں کہ بلوچستان مکتبی ء لس مہلوک اے لٹ ء پل ء ہچبر سگ
 ات نہ کنت انت۔ چہ ایٹی ء پیسر کہ مکتبی دگہ گالگجے بہ زور انت، سرکار بانید انت وتی
 مرٹ ء بدلی (ترمیم) ء چہ پد بہ کنزایت۔ ایکشن کمیٹی ء لوٹ ہمیش انت کہ دروگ ء نکلی
 عیں لوکل ڈومیسائل سرٹیفیکیٹ ہلاس کنگ بہ بنت۔ ء چوشیں سرٹیفیکیٹ ء جوڑ کنگ بند
 کنگ بہ بیت۔ اگاں جنکانی ضلعی سیٹ ہورک بہ بنت گڑا آسٹ ہا ضلع ء بچکاں دیگ بہ



بنت۔ بلوچستان ء اے دگہ ادارہاں ہندی کتنبیانی ہک جنی بند کنگ بہ بیت۔ تیوگیس
وانگی ادارہاں وانگی آسراتی پٹجارینگ بہ بنت۔ وانگی ادارہاں سرکار ء دزما نجنی بند کنگ بہ
بیت۔ ء تیوگیس وانگی ادارہ زوتاں زوت پتچ کنگ بہ بنت۔ بولان ٹیکسٹائل میل ء ہمے
تیمیں اے دگہ ادارہاں اد ء ہندی پوریانگری ہک جنی بوگ ء انت۔ ء چہ ڈن ء پوریانگری
زورگ بوگ ء انت۔ وھدیکہ ہندی ء ہکداریں مردم بے بہر انت۔ ہمیشہ اے کرد ء
کار زوت بند کنگ بہ بنت۔ درائیں کار جاہاں ہندی پوریانگری زورگ بہ بنت۔ ء بلوچستان ء
درائیں پوریانگری لوٹ منگ بہ بنت۔

شے لک منت!



بی ایس او، پنجابی لس مجلسء گشتانک 23 ستمبر 1982

واجہیں کماش، دیر وئی دوستیں گلانی راہشون ء ہمبر اہاں، ء منی گل ء باسک ء سنگتاں!
 مرچیکیں اے ساہت ء کہ ماہی ایس او (عوامی) ء پنچھی کو نسل سیشن آسر
 کرتگ ء نوک گچین بوتلیں اگدہ دارانی سوگند ء وپاداری مراکش ء ہاتر ء مچ بوتگ ایس۔
 وتی واہشت، مارشت ء واہگانی رد ء وتی نوکیں سرگل (قیادت) ء سوگند ء وپاداری
 مراکش ء پے وشیں دلے شانکامی کنگ ء نہ ایس۔ ایٹی ء سوب الم ہا جاوار انت کہ مئے
 چاریں آتراپاں پونج ء زوراکی، زلم، لٹ ء لٹ، کید ء بندی ء ڈروشم ء پدرانت۔ مرچیکیں



دیوان ء سادگی، هاموشی ء بے رنگی ء سوب مئے دست ء پاداں بستگیں زمزمل ء مئے
زبانان جتگیں ہماکبل آنت کہ گو سگتیں پنج سالاں مئے مہلوک اش دیمپان انت۔

بر احمد گاں! بی ایس او (عوامی) ء انچو کہ گل ء سنگتاں ماں وتی گشتانکاں ء
بجاہی کارگشاہ ء احوال (رپورٹ) ء تہ ء گشت، چہ اے دگ، ملک ء سرزمین ء لٹ ء پل،
مہلوک ء مردم دژمنیں راہبند ء ہلاسی ء ہاتر ء وتی مہلوک ء زند ء بدل کنگ ء آھاں
وشہال ء چہ لٹ ء پل ء آزاتیں چاگردے ء نیمگ ء برگ ء جہد ء چہ وتی بودشت ء تاکت
ء ہر وڑیں جہدے کہ کرتگ آشتے دیم ء آنت۔ اے بارو ء ما چیزاں سرجمی ء بیان کنگ
اژدری نہ لیک ایں۔ بلے اے ساہت پہ مئے گل ء جد ء جہد ء پہ مئے گل ء بند پتر ء باز
پڑارزشت ء پھر بندگی دمانے۔ من اے گپ ء المی سرپد باں کہ وتی گل ء سنگت ء
باسک، دیمروئی دوستیں گل ء درائیں مردم دوست، سامراج دژمنیں تاکتانی دیم ء وتی
کرد، وتی جد ء جہد ء وتی پروگرام ء بارو ء اے درائیں گپاں بہ کن آں کہ آھانی
گیشواری (وضاحت) اژدری انت۔

سنگتاں! بی ایس او (عوامی) چہ مرچی ء چارده سال پیسر بلوچستان ء زلم آماچیں،
پد منتگیں، لگتھالیں تبکہ ء جہگیریں گلے ء بستار ء جوڑ کنگ بوتگ۔ بی ایس او (عوامی) وتی
زند ء اے چارده سالاں جد ء جہد ء وڑ وڑیں کنڈ گاں گو سنگ۔ اے کنڈ گانی گو ازینگ ء بی



ایس او (عوامی) تہر تہر ۽ اڑ ۽ جنجال، گران ۽ مشکلیں چکاسانی آماج بوتگ۔ اے کنڈ گاں گوزان ۽ بی ایس او (عوامی) ۽ ہمبلاں بازیں چیزانی کتہ کاری بوتگ۔ باز چیز در برتگ۔ وتی نزوری کپتنگ ۽ بی ایس او (عوامی) ۽ وتی کار ۽ کرتنانی بنگلی منزلان گام چست کرتگ ۽ دیم ۽ جنزان ۽ وتی کار ۽ کرتناناں شاہیگان ۽ توانائیں ڈروشمے دیگ ۽ جہد بر جم داشتگ۔ البت ماے گپ ۽ دلجم نہ ایں کہ بی ایس او (عوامی) وتی جد ۽ جہد ۽ سو بین بوتگ۔ بی ایس او (عوامی) مرچی جد ۽ جہد ۽ بنداتی کنڈگ ۽ گوزگ ۽ انت۔

پرچہ کہ ماوتی دژمن کہ آمیان استمانی سامراجے، پاکستان ۽ (گماشتہ) زردار تبتک، زمیندار (جاگیردار) تبتک، پوج، شہری (Civil) پوج ۽ نوکر شاہی اے درائیں تاکت ۽ کوتاں مئے حساب ۽ مرچی توانا تر آنت۔

اے ارادہ، اے واہگ ۽ پروگرام ۽ ابید بی ایس او (عوامی) سامراج ۽ زور مندی، پوج ۽ نوکر شاہی ۽ واکداری ۽ لٹ پل کنوکیں ٹولی ۽ گیری ۽ ہروٹیں جیرہ، ہک پیہیں اڑاند ۽ ہچ رنگیں پنڈلاں مان نیارایت ۽ وتی تو امیں وسیلہ ۽ تواناں ایشانی حلاب ۽ کارمرزکت۔ بلے بی ایس او (عوامی) وتی جد ۽ جہد ۽ بارو ۽ نپ و شمس ۽ آماج بوتگ ۽ نیکہ رد پیہی ۽ رنگراہاں کپتنگ۔ بی ایس او (عوامی) ۽ مدام ہمے جیڈاٹنگ کہ وانندہ گل سیاسی پگر ۽ گوں بندوک بوگ، سیاسی جد ۽ جہد ۽ بہرے بوگ ۽ وتی مہلوک ۽ سیاسی جہد ۽



جہگیر بوگ ء اید آھانی دامن یا "اسکوپ" انچو شاھیرگان نہ انت۔ اگاں وانده گل ء گوں لس مہلوک ء مہکمیں ہمگر نچی یے مہ بیت، گڑ آئی ء ارزشت ء بستار پشت نہ کپ ایت۔ (چاپانی تور) مکتبی وتی چاگرد ء، وتی اُس ء وتی زلم آماچیں تبکہ ء یک پُ ارزشتیں، سُر ء پُر کنوکس، جنگول ء گہگیریں توانے الم زانگ بنت، بلے اے گپ تچک انت کہ مکتبی وتی چاگرد ء اسل تاکت نہ آنت۔ ء مکتبی میں سنگتیاں اے گپ الم زانگ لوٹ ایت کہ داں وھدے ماگوں وتی زلم آماچیں تبکہ، پد منتگیں مردماں، وتی ہاھرار ء لکانی کچ ء مہلوک کہ سالانی سال زور اکی ء لٹ ء پل ء آماج انت مہکمیں رنگے ء گوں نزیک ء ہمگر نچ مہ بیں ء اے جہد ء آھانی ہمکو پگ مہ بیں، دلجم بیت کہ ماوتی منزل ء ارزانی ء سربوت نہ کن ایں۔

مڑ اھد اریں دوست ء سنگتیاں! بی ایس او (عوامی) یک راجی ء میان اُستمانی لیکہ یے ء رد ء بلوچ راج ء لٹ ء پل ء ہلاسی، پاکستان ء زلم آماچیں راج ء تبکہ ء ایردستی، چاگردی نانسپانی ء نابروبری، ماں چاگرد ء زلم ء لٹ ء پل ء ہلاپ ء جہد کنان ء وت ء میان اُستمانی زربھتانی بہرے لیک ایت۔ (چاپانی توار)

بی ایس او (عوامی) بلوچستان ء ورنہاں اے سوج ء ہچر نہ دنت ء ہچیر اے گپ ء نہ گوش ایت کہ آوتی جہد ء بلوچستان ء سیمسراں آدست مہ گوازین انت۔ (چاپانی



تواریبی ایس او (عوامی) وت ۽ چہ میان استمانی اُلُس دوست ۽ اُلُس دژمنیں تاکتانی اے
 گر ۽ چیل ۽ ہجبریک کرکرت نہ کنت کہ مرچی میان استمانی لسون (سطح) ۽ اُلُس مہلوک ۽
 آہانی دژمنانی میان ۽ ژندی ۽ جنزان انت۔ بی ایس او (عوامی) ۽ بلوچستان ۽ تہ ۽ لٹ ۽
 پل، زلم ۽ زوراک ۽ راجی زوراک ۽ رامز نہیں کسا سے ۽ مارا تگ ۽ گو تگیں چارده سال ۽ ایشی ۽
 بگیری ۽ جہد ۽ انت۔ ۽ ماے گپ ۽ سر ۽ الم زور دایں کہ راجی گل ۽ بلوچ ورنانہانی گلے ۽
 بستار ۽ راجی زوراک ۽ ژندی ۽ مارا ۽ ماوتی راجی وسیلہاں پُر ارزشتی ۽ بنلا ۽ دیم ۽ بران
 ایں۔ ماوتی راج ۽ لٹ ۽ پل ۽ زلم ۽ زوراک ۽ ہلاپ ۽ تواری چست کنگ ۽ ایں۔ ایشی ۽
 ہمبر اھی ۽ ماے گپ مدام دیم ۽ آور تگ کہ پاکستان ۽ زلم آماچیں مہلوک ایوک ۽ بلوچ
 نہ انت، پاکستان ۽ بلوچ ۽ هوری ۽ پشتون راج ہم ایردستی ۽ زوراک ۽ آماچ انت۔ پاکستان ۽
 سندھی اوں راجی گلامی ۽ زلم ۽ چنگلان انت۔ پاکستان ۽ ہک دگ ۽ زلم آماچیں تہکہ زردار
 ، وڈیرہ ۽ پونج ۽ نوکر شہمی ۽ لٹ ۽ پل ۽ آماچ انت۔ مرچی پاکستان ۽ تیوگیں مہلوک
 جمہوری آزاتیاں بے بہر انت۔ پاکستان ۽ پونج ۽ ٹولی گوں وتی سر جمیں زور ۽ توان ۽ لس
 مہلوک ۽ سر ۽ جود انت۔ چہ آئی ۽ اُلُس ۽ وتی لیکہ ۽ درانکا زگ ۽ ہک پچ کپتگ۔ آئی ۽
 اُلُس ۽ زبان چہ دپ ۽ پچ کپتگ۔ اد ۽ تاں کہ آئی ۽ مئے دماگ ۽ جیڈگ ۽ توان اوں پچ



گپتگ۔ مرچی اگاں پوجی سرکار (مارشل لا) ء اسلام ء چوتاریں پردہاں مان پتاہگ بہ
 بیت بلے آئی ء شوم ء بدیں ڈروشم پہ چیردیگ اندیم نہ بیت۔ (چاپانی توار)
 (موودیت مردگ بات)

سنگتاں! مرچی ناں مکتبی آجوانت، ناں وکیل ء ناں ملک ء ایندگہ جمہوری ء
 اُلس دوستیں تاکت آزات انت۔ مرچی اے ملک ء زلم آماج ء پد مننگیں مہلوک ء اے
 ملک ء زندگ بوگ ء ہک نیست۔ اے ملک ء راہ اے ملک ء جہہ مننداں دوزہ لے جوڑ
 کنگ بوتگ۔

اے ملک ء لس مہلوک ء زندگی ء پیدانشی ء ہکی ہک چچ اش گپتگ انت۔ ء ما
 گندگ ء ایں کہ اُلس دوستیں تاکتاں دُزی ء ڈنگی ء بہتام ء جنگ ء انت۔ دیر وئی دوستیں
 وانندگ رہد بر دُزی ء بہتام ء زنداناں دوردیگ بنت (ہیا کن ات)۔

ماگندگ ء ایں کہ ورنائیں مکتبیاں واگجاہاں چابک جنگ بیت۔ آھاں چو
 جانورانی پیم ء چابکاں گول مان بند انت۔ پرچہ کہ آوتی زلم آماجیں مہلوک ء زوراکی ء
 ہلاپ ء توار چست کنگ ء انت۔ بلے بچار دومی نیمگ ء چے بوگ ء انت۔ گلپ، دُڑ،
 ڈنگ آدگہ درائیں مردم آزات انت کہ اے راہبند ء پیداک کرتگین انت، ہمے لٹ ء
 پل ء راہبند ء جوڑ کرتگین انت۔ ماگندگ ء ایں کہ مرچی اے ملک ء کسے ء ننگ ء ناموس



نہ رک اٹگ، چادر چار دیواریء گپء و ہر کس کنت بلے ماے دیست کہ پلستینیائی پلہ
مرزیء زالبولانی کش اٹگیں روانکء سرء گوں بے رہیء لٹ شاپی کنگ بوت (ہیا کن
ات)۔

مے مات، گوہارء جنک رگون کتء لٹ دات آنت، برتء زندانء بندی
کرت انت۔ ماشر دیستگ کہ اے ملکء چادرء چار دیواریء نشانگ ہا مردم بنت کہ
آہاں وتی اُلس، وتی زلم آماچیں تبکہ، وتی مات، گوہارء جنکء ننگء گیرتء پاہازگء
گپ جنگ۔ ہمے مردم برگء زنداناں دور دیگ بنت۔ نذیر عباسیء رائا رچر کرتء
نمیران کرت۔ آکے ات؟ ڈنگے ات؟ ٹیکے ات؟ کشندہ یے ات؟ ہچراناں۔ آ اُلسء
پرزند ات۔ آوتی مہلوکء جہدء بیر کدار ات۔ آئیء وتی مہلوکء جدء جہدء دیمء
برانء سامراجی دلارانی ہلاپء توار چست کرتگ ات۔ نذیر عباسیء ہمے گناہء کریاب
کرتء نمیران اش کرت (شرم کن ات)۔ حمید بلوچء میار چے ات؟ حمید بلوچء کئی
لوگ جنگ ات؟ حمید بلوچء میار ہمیش ات کہ آ بلوچ مہلوکء چو پسء گوکء پیمء
پوچء برتی بوگء ہلاپ ات۔ آئیء وتی راجء سرء زلمء زور کیء بگیر یء توار برز کرتگ
ات۔



دوستاں! حمید بلوچ ء را پاھو اش دات۔ اُلس ء زہر شانی اش لگتھمال کرت۔
تو کیس دنیا ء مردم دوستیں تاکتانی زہر شانی اش پادمال کرت۔ حمید بلوچ ء ہمے ہاتر ء پاھو
اش دات کہ آئی ء گوں وتی زلم آماج ء لگتھمالیں مہلوک ء مہر آت۔

ہسلاں! حمید بلوچ ء ابید اسلامی جمعیت ء مکتبی ء رجعتی تاکتانی دست ء پاکستان
ء بازیں دیمروئی دوست، آجوتی دوست ء اُلس دوستیں مردماں لٹ وارنگ بلکیں بازیں
ورنا اش جنگ ء نمیران کرتگ آنت۔ آھانی دست گوں بازیں ورنھانی ہوناں میچل
آنت۔ یک دیمروئی دوست، اُلس دوست، وتن دوست، سامراج دژمن ء حساسیں
وانندہ گلے ء بستار ء بی ایس او (عوامی) اے جاور ہال ء ناں مرچی من آیت ء نیکہ دیمتر ء
چوشیں نیٹے داریت (چاپانی توار)۔

بی ایس او (عوامی) اے جاور ہال، چپیپاں موری ء زالم ء زوراکیں پوجی
زورشاہی (آمریت) ء ہلاپ ء وتی اے کول ء نوک کنت کہ آ اُلس دژمنیں تاکتانی
بگیری ء اُلس دوستیں کوتانی کمک ء مدت ء جد ء جہد ء چہ درستاں دیماتر بیت (چاپانی
توار)۔

سگنتاں! مامیان استمانی جاور ہالاں چارگ ء ایں۔ اوگان ثور آشوب ء ہلاپ ء
کجام نہ بو تمیں کنگ بوت۔ اوگان آشوب ء ہلاپ ء چیر اندریں جنگے بنا اش کرتگ۔



پرچہ کہ اودے جاگیر داری راہبندے را سرین پرورش اش کرتگ۔ اودے نپ واراں (سودخور)
 پرورش وارتگ۔ اودے رجعت پسندے نیکراہے سوداگریں ملاہاں پرورش وارتگ۔ اودے شاہی
 سرکارے بامے داتگ۔ اودے مردماں نوکیں زندے دست کپتگ کہ پیسے آہانی بستارچو
 کرمے کوگے بوتگ۔ اوگانستان چہ میان استمانی سامراجے دستاں آجو بوتگ۔ اوگانستان
 ے مہلوک ے آجونی ے آسرے پے اے دگ ے سامراج دژمن، جمہوری ے دیرونی دوستیں
 تاکتاں راہے درچے بوتگ آنت۔

سامراجی تاکتاں لائنک ماں جتگ پاکستان ے پوجے شاہی سرکارے پلہ مرزی ے،
 سعودی عرب ے رجعت پرستیں بادشاہ، مصرے رجعت پرستیں سرکار، شاؤنسٹ ے ہاکم
 دوستیں (آقاویت پرست) چین ے دنیا ے تیوگیں رجعت پرستیں کوتانی کمک ے اوگان
 آشوب ے بگیری ے بیڑاش برتگ۔ آہاں کجام اوگام (نعرہ) جتگ؟ اسلام ے اوگام جتگ۔
 آہاں اوگانستان ے اسلام ے ہلاسی ے سرے موتک کرتگ۔ آہاں ہمے جار جتگ کہ اسلام،
 دین ے مذہب چہ اوگانستان ے ہلاسی بوتگ آنت۔ اوگانستان کافراں دزگیر کرتگ۔

براہمدگاں! کفرے اسلام ے میان ے پرک چے انت؟ اگاں ما اسلام ے لس
 مہلوک ے نگاہاں بچاراں گڑا اسلام آزاتی ے گپ ے کنت۔ انسپ ے بروبری ے پلہ مرز
 انت۔ اسلام مسلماناں یکے دومی ے برات لیک ایت۔ اسلام کس ے اے رزائے نہ دنت کہ آ



ہزاراں مردم ء ہک ء بہ جنت۔ ء کفر چے ء گوش آنت؟ ہمے کہ وتی تاکت، وتی زور ء کلپیں کوت ء کمک ء لکانی پوریا گراں لگتال بہ کن، لٹ ء پل بہ کن، بہ گش ء مالاں بر۔ مرچی او گانستان ء کجام حال انت؟ اود ء ہما تاکتاں باج برتگ کہ آسد ء تہ ء نود ء نہہ ء گپ ء کن انت۔ زلم آماج ء لگتالیں تبکہ ء آجوتی ء گپ ء کن انت کہ آسالانی سال چہ آجوتی ء ہک ء زہر بوتگ انت۔ مرچی میان استمانی سامراج ء اوگان آشوب ء ہلاپ ء جنگے بنا کرتگ۔ اوگان آشوب ء بگیری ء پندل وتی سٹ ء دوران انت۔ اوگان آشوب ء ہلاپ ء امریکہ، چین، سعودی، مصر ء پاکستان ء ہاکم، آہانی زانکار، سفارتکار، تنک ٹیکس، ہر ساهت ء ہر کترہ ہمے شور بندی ء دزگٹ انت کہ کجام وسیلہاں، کئی دست ء اوگان آشوب ء بے سوب بہ کنائیں انت۔ بے اوگان آشوب چو کہ بند پتری لوٹ ء گزرائی پیداوار آت، پمیشکہ اوگان آشوب داں چار سالوں سامراج ء سرجمیں پندل، تیوگیں ہنر ء ہیلاہاں ابید پدنہ کنزرات۔ بلکین دیم ء جنزان بوت ء مرچی او گانستان ء وتن دوست، راجدوست، جمہوریت دوستیں سوداگر، ء بازیں ٹولیانی مردماں وتی یک شاہیگانیں جنگی پڑے جوڑ کرتگ۔ وتی آشوب ء پاہازگ ء ہاتر ء "قومی فادر لینڈ فرنٹ" جوڑ کرتگ ء وتی آشوب ء دیمپانی ء کنگ ء انت، آہاں مناریننگ کہ سامراج ء اے پندل کہ او گانستان ء کمیونزم اتلگ، اود ء ایدگہ مہلوک جنگ ء کشگ بوگ ء انت۔



اوگانستان ۽ ہمارم دم کہ کمیونسٹ پارٹی ۽ نہ من انت یا ہما کہ کمیونسٹ نہ انت آھاں چپی ۽ درنچک ۽ انت۔ بلے ماگندگ ۽ ایں اود ۽ جاورہالاں چہ ہمے پدر بیت کہ اوگانستان ۽ درائیں تبکہ، درائیں ہلکہ، درائیں ٹولیانہ مہلوک وتی آشوب ۽ دیسپانی ۽ ہاتر ۽ یکجاہ ۽ تپاک بوتگ انت (چاپانی توار)۔ بی ایس او (عوامی) اے گپ ۽ پدر کنگ لوٹ ایت کہ اوگان ۽ ثور آشوب ۽ دیسپانی ۽ اوگان ۽ لس مہلوک، اوگان اُلس ۽ آشوبی گل، اوگان آشوب ۽ راہشون، واجہ برک کارل ۽ جہد ۽ کوشستاں، بی ایس او (عوامی) ۽ لوٹ ہمیش انت کہ اوگان آشوب ۽ ہلاپ ۽ میان استمانی سامراج ۽ سرودی ۽ تیوگیس پندل، کشت ۽ کوش، ہراب کاری ۽ درائیں کلپیں کردزوتاں زوت ہلاس کنگ بہ بنت۔

سگنتاں! بی ایس او (عوامی) مریچی اول ایران ۽ آشوب ۽ پلہ مرزانت ۽ دیمتر ۽ ہم پلہ مرزی ۽ کنت (چاپانی توار)۔ چو کہ ایران ۽ آشوب ۽ اے دگ ۽ سامراج ۽ دانتگیس، رودیننگیس سپاہی شاہ ۽ ایران ۽ پرورش مے شئے دیم ۽ انت۔ اے آشوب ۽ اے دگ ۽ سامراج ۽ جوڑ کر تگیس کوٹ ۽ کلات سرجم ۽ نش نش کر تگ انت۔ ایران ۽ آشوب ۽ ارزشت آئی ۽ سامراج دژمنیں کارست انت۔ ما ایران ۽ آشوب ۽ آئی ۽ سامراج دژمنی ۽ سوب ۽ پرارزشتیں آشوبے لیک ایں۔ سامراج ایران ۽ آشوب ۽ گیری ۽ سیاسی، سفارتی، لشکری ۽ مالیاتی پڑ ۽ جنگے ۽ گوں دزگلائیش انت۔ ما اے گپ ۽ من



ایں کہ ایران ء ایران ء سرگل (لیڈرشپ) ء زوری بازنت۔ آوت ء چہ میان استمانی
 آشوبی زربشت، میان استمانی ایمنی اُرد (کیمپ) ء سوشلسٹ ارد ء پیک کنگ ء انت۔ آ
 ملک ء تہ ء ہما تا کتاں ہم تنگ کنگ ء انت کہ آ اسل ء آشوب آروکیں تاکت انت۔ بلے
 اے درائیں گیاں ابید سامراج دژمنی ء سوب ء بی ایس او (عوامی) ایران ء آشوب ء پلہ
 مرزی ء جار ء جنت ء دیمتر ء اوں آئی ء پلہ مرزی ء کنت (چاپانی توار)۔

ہمبلاں! اے وھد ء دنیا ء باز دلپرد، اندوناک ء دلبریں ویلے اے بوتگ کہ
 پلستین ء سر ء بیڑ اش برتگ۔ سامراج ء آئی ء صیہونی دلاراں، زریات پرستیں
 اسرائیلیاں گوں وتی تیوگیں زور ء تاکت ء پلستین ء سر ء ارش کرتگ۔ لبنان ء کودکیں
 کچ، کماش، زالبول ء ورنایانی سر ء بیڑ برتگ ء مرگ ء وڑالی کرتگ انت۔ ہزارانی
 حساب ء لوگ ڈیرینگ انت، دمکاں ہونانی جو کش اتگ، ہورک دستیں ہندی مردمانی
 سر ء گولہ ء ٹوپ گواری کرتگ ء آبادیں بازارے ویرندان کرتگ۔ پلستین ء آجوتی
 دوست ء فدائین لاچار کرتگ انت کہ آوتی ہورک دستیں (بے سلاہ بندیں) مہلوک ء
 دیمپانی ء، انچو کہ مئے سنگت بسام ء گشت، آہورک دستیں لبنانی پلستینی مہلوک ء
 دیمپانی ء چہ لبنان ء دربیانت۔



سنگتوں! پلستینی چہ لبنان و در کنگ بوت انت، اے تیو گیس گرتن (عمل) و پلستینیاں ہا توکل و ہمت کہ پیش داشت ما سر و جہل کن این آھاں سلام کن این (ترندیں چا پانی تور)۔۔ (پلستینی آشوب زندگ بات)۔

برا حمد گاں! پلستین و آشوب تہنا پلستین و آشوب نہ انت، بلکیں مئے ہم آشوب انت۔ پلستین و آشوب میان رودر اتک و پھ سامراج و گزرا تگیں ریشہ۔ سامراج پلستین و آشوب و نرور کنگ و وئی سر جمیں پندل، رپک، ہزر و زوراں جنت۔ پلستینی آشوب و ہلاسی و سامراج و ہا کرد کہ پیلو کر تگ ما گندگ و این کہ پلستینی آشوب و دیروئی دوستیں نیل، سامراج و شاہ دژ منیں تب، رجعت پندیں نیل و سوب و حرم و درائیں پاسپاناں کہ آھاں پاسپانی و کبا پوش اتگ، عربانی سر و ہا کمی و انت۔ کلیں اسلامی ماکاں اسلامی مرا گتے بر جم داشتگ و اوگان آشوب و ہلاپ و جنگ و پڑ و مان اش دانگ۔ پاکستان و پوجی ٹولی و اسلام و نا مکتیں ملا اے در گت و ناں ایوک و ہا موش انت، بے زانگ انت، نہ ایوک و ایشاں پلستینیانی کشت و کوش و گیری و گے نہ جنگ بلکیں آگواں اسر نیل و صیہونی و زریات پر ستاں اے گناہ و ہوار بوتگ انت (ریگن نیگن پندل مردگ بات)۔



ہمک آشوب ء ہلاپ ء جنگ (جہاد) ء جار جنگ بیت۔ ایران ء آشوب ء
 ہلاپ ء ہم جنگ ء جار جنگ بیت۔ چار چار رند ء اسلامی مرگش برجم دارگ بیت۔ بلے
 وھدے پلستینیائی سر ء بمب گواری بیت، آھاں سر ء بازار جنگ ء کشگ بیت، اسلام ء
 نام کپتیں ٹیکیدار سیہ بہ سیاہ ء نشنگ ء چار انت (شرم کن ات)۔

آھاں پلستین ء اُلس ء گوں ہمدردی نیست بلکیں پلستین ء مہلوک ء پلہ
 مرزی ء در اتلگیں روانک، زہر شائیں جلسہ آنی سر ء استان ء لشکر کشی ء گون انت گوں
 (ہیا کن ات)۔ آھاں سدانی کچ ء مکتبی دزگیر کرتگ انت۔ مرچی ضیاء الحق ء زور اکیں
 پوجی سر کار پلستین دوستی ء کٹی ء کنگ ء انت۔ آپلستینیائی پلہ مرزی ء بس یک کلاکے ء
 ارتال کنت ء بس۔ بلے ما آئی ء جسٹ کنگ لوٹ ایں کہ تو داں ہنوں ء کراچی ء سندھ ء
 بازیں مکتبی یے پہ کجام نیون ء دزگیر کرتگ انت؟ ایشاں اسرائیل ء زور اکیائی ہلاپ ء
 زہر شائی کرتگ۔ زابلول لٹ ء کٹ کرتگ ء زنداناں بندیک کرتگ انت۔ شد ارتال ء
 نشنگیں زابلول اوں دزگیر کرتگ انت۔

مرچی تیوگیں دنیا ء اُلس دوست ء دیمروئی دوستیں تاکت امریکی سامراج ء
 آئی ء ہم گنگلانی گیری ء ہما کیشلی ء کہ جد ء جہد ء دیم ء جنزان انت، ماچہ اے جہد ء وت ء
 ہچر گستا کرت نہ کن ایں۔



گڑسے من وتی تو امیں مڑاھداریں واجہانی منت ۽ گراں کہ آھاں وتی وھد
کش ات ۽ مئے دیوان ۽ بہر زرت، منت وار۔
امریکی سامراج ۽ آئی ۽ دلار مردگ بات آنت،
بلوچ مہلوک ۽ جد ۽ جہد زندگ بات!
بی ایس او (عوامی) مہکم بات!



بی ایس او، بنجاہی لس مجلس، گشتانک 29 مئی 1984

نوک گچین بوتگیں اگدہداراں، مڑاھداریں مہمان، منی وانندگیں سنگتیاں!
بلوچ وانندہ گل، بنجاہی لس مجلس (کونسل سیشن) گدسر، برجم داشتگیں
اے مچی، گوں شاتران کنان، گوں شتاوتی جیڑہ، جاورانی بارو، گپ کنگ، مارا بازوشی
بیت۔ ماگوں وتی ورنائیں سنگت، دل پہسکیں کارندہ، دوستانی مہمکیں ارادہ، توکل، جہد،
سلام کنان کہ آھاں مرچی اے تاروکیں دور، گنگیر، زوراکیں چاگرد، گرانیں
ساختاں، بندی، چابکانی نوبت، وتی جد، جہد، گوں وتی راجی لس مجلس برجم داشتگ۔



منی مڑاھداریں واجہ ۽ سنگتال! بی ایس او ۽ وش بہتی انت کہ آئی ۽ ایوب ۽ زور شاہی دور ۽ بیگی خان ۽ پوجی سرکار ۽ نوبت ۽ ماں بلوچستان ۽ 1973 ۽ بگرداں 1977 ۽ لشکر کشی ۽ زمانگ ۽ یا انوگیس پوجی ٹولی ۽ ہاکمانی تاروکیں دور ۽ بلیکس ہمک دور ۽ آئی ۽ وتی لس مہلوک ۽ راجی ۽ جمہوری ہکانی واستہ پہ مزن مردی جد ۽ جہد کرتگ۔ بی ایس او ۽ جد ۽ جہد ۽ دیہونی ۽ وتی دراجیں بند پترے۔ بی ایس او ۽ جد ۽ جہد کہ چہ مرچی ۽ چارده سال ساری برجاہ انت، گرانیں ساهت، زلم ۽ زوراکی، جناوری روشنت ۽ لٹ ۽ کٹ ۽ ہزاراں پنڈلانی دیم ۽ نہ بکت اتگ (چاپانی توار)۔ بی ایس او ۽ دل پیکس باسکاں وتی ماتیں وتن ۽ زمبل کشیں ایردست ۽ زلم آماچیں اُلس ۽ آجوتی ۽ پیدا نشی ہکانی ہاتر ۽ وتی پوریاگر، دہکان، شپانک ۽ زانکارانی ہواری ۽ جد ۽ جہد کرتگ۔ اے بارو ۽ شتاوت جوانی ۽ سرپد انت۔ بی ایس او مرچی اوں گوں وتی زلم آماچیں مہلوک، اد ۽ دیروئی دوستیں تاکتانی ہمکوگی ۽ گوں نوکیں جوش ۽ جزبگے ۽ جہد ۽ پڑ ۽ ساڑی انت۔ شتادست کہ پوجی سرکار ۽ کارندہاں بی ایس او ۽ پڑ ایمینس سیشن ۽ سر ۽ کجام وڑ ۽ بیڑ برت ۽ مئے کارندہ مزنیں پریشانی ۽ نگلیں جاوراں سیشن چہ کوٹہ ۽ ڈن برجم دارگ ۽ لاچار کرت انت۔ جاورہال شئے دیم ۽ انت کہ پوجی ہاکم، انچو کہ آھانی ربیت انت، زلم ۽ زوراکی ۽ کدیمیں رپک ۽ ہزاراں کارگران ۽ ردیہمی ۽ آماج بوتگ انت کہ بی ایس او چہ اے رپک ۽ ہزاراں پدکنزایت،



پوجی ہاکمانی دیم ء سلاھاں دور دنت، بلے ماہہ پہر ء شان اے جار ء جن این کہ مرچی نیں اے جاوہالاں بی ایس او ء کارندہ، سرگل ء بازیں کوششت ء جھدانی آسر ء اے مزں شانیں لس مجلس برجم داشتگ۔ اے دیوان مئے دیروئی دوستیں ہمبل ء مئے کاروان ء سواریں سنگت ء کارندہانی مزنیں کچے ء ساڑی بوگ اے گپ ء گواہی ء دنت کہ بی ایس اووتی جھد ء تہنانہ انت بلکیں اے جد ء جھد ء بلوچستان ء تیوگیں زلم آماج، رژنا پگر، دیروئی دوست، پوریا گر ء لس مہلوک مئے ہمبہراہ انت (چاپانی توار)۔ آکس ء ہمبہراہ کہ لس مہلوک بہ بیت، پوریا گر آئی ء سنگت بہ بنت آئی ء زلمانی دژمنی ء چے پرواہ (چاپانی توار)۔ مازی اوں جد ء جھد کرتگ مرچی ہم کنگ ء ایں ء ہاکم ء آئی ء کاسگ چٹ بزبان انت کہ اے سگئی ء اے جیڑہ جد ء جھد ء دیم ء داشت نہ کن انت (چاپانی توار)۔

بوھیریں کماش ء مڑاھداریں واجہاں!

مرچی ہما جاورانی کہ مادیمپان این ہچ اگل ء ہوش مندیں مردم چراھاں بے سمانہ انت۔ ناں مکتبی آزات انت ناں پوریا گر۔ ناں استادان وتی ہک رس انت ء نینکہ وکیلاں۔ ناں رسا نکر وتی زرد ء توار ء برزکرت کن انت ناں دہکاناں جھد ء ہیدر پیگی ء رند وتی مڑرس ایت۔ چاریں آتراپاں ترسناکی یے شنگ اتگ۔ پوجی ہاکماں لس زلم ء زوراکی ء دراج کشیں شپے مہلوک ء سر ء مشتنگ۔ اد ء جمہوری تاکتاں پوجی ہاکمانی بگیری ء



ہما جہدے کہ بنا کر تگ چہ ایشی ء اے گپ پدر بیت کہ مرچی اد ء لس مہلوک ء، زلم
آماچیں تبکہ ء وتی ہکی نیں دژمن پجا آور تگ ء آجمہوریت ء جمہوری آزاتیاں وتی ہکی ء
ازلی دژمن ء ہلاپ ء چہ جہد ء گستاکت نہ کنت۔

سندھ ء کہ ہرچی اش کر تگ پہ مئے واستہ ٹوہیں سبک ء دروننتے۔ مرچی
سندھی مہلوک ء گوں ہرچی کنگ ء انت آاد ء دیمروئی دوستیں تاکتاں جیرگ ء سکین ء
دنت۔ بلوچ وانندہ گل ء ہواری ء پیسر ء بلوچ وانندہ گل (عوامی) ء وتی پلیٹ فارم ء سر ء اد
ء جیرہ بہم اتگ ء ہمارا ہے کہ گچین کر تگ ات آاے جیرہاں دیم ء برگ ء ہاتر ء تپاکی ء
راہ انت، آئی ء وتی ورنایکیں تلو (پلیٹ فارم) ء سر ء یکجاہ کر تگ انت، ء مرچی بی ایس او
ورنا ء ہمگر نجیں سنگت اے تلو ء سر ء پھر بند انت کہ آہانی جد ء جہد ء سیاسی لیکہ ء تہ ء
آپچکیں کمی یے اوں نہ تنگ۔

بی ایس او چہ وتی پہکیں راہبند ء بوگے اوں پشت ء نہ کنز اتگ ء نہ کنزایت
ہم (چاپانی توار)۔ پرے کار ء اگاں کسے ناشر کاری ء پادتر اپی ء رپک ء ہضراں کار مرزایت
آبران انت کہ بی ایس او اد ء زلم آماچیں مہلوک، بد بھت ء لٹ ء پل ء دیمپان ء چہ
بدہالیں مہلوک ء جہد ء ہج وڈ ء نزوری پیش نہ دارایت، بلوچستان ء ہند پتر نمیر انانی سرپ
ء دروشم ء شئے دیم ء انت۔ بلوچستان ء مہلوک ء ہما دیریں جہد کہ کر تگ ء پیش داشتگ،



چرے جہد ء اد ء تیوگیں جمہوری، دیروئی دوست ء الس دوستیں تاکت شر سپرد
 آنت۔ اے درگت ء مارا گیشیں گپ کنگ المی نہ انت۔ اے جد ء جہد ء بیرک انگت برز
 تربیت۔ جد ء گیشتر شاہیگان ء ترند تربیت۔ اے جد ء جہد مارشت ء جوزہی حساب ء
 نوکیں دورے بگنج کنت ء وتی زلم آماج ء پوریا گریں مہلوک ء توار جوڑ بیت، آہانی
 واہگ ء واہشتانی جہگیری ء کنان ء اود ء جہد کنوکیں تاکتاں گوں ہگام ء ہمکو پگ
 بیت (چاپانی توار)۔ اے جہد ء تیوگیں جمہوری، دیروئی دوست، سامراج ڈژمن، وتن
 دوستیں کوٹ بی ایس او ء پلہ مرزانت ء اے پلہ مرزی پماز نہیں مڑا ء شر پے۔

سنگتتاں! مرچی بلوچستان ء کش ء گورانی درائیں زانو گریں تیکہ ء، لہتیں زمہ
 واری ء چندے پابندی بنت۔ بلوچستان ء مئے ورنایاں وڑ وڑیں ہنر ء ہیلبانی مکم ء
 ایرجگ کنگ ء انت۔ مئے سنگتتاں بیست، بیست ء پنج سال ء کید ء سزا اش داتگ (ہیا
 کن ات۔ شرم کن ات)۔ کریم بلوچ ء اے ہما تر ء زند ء کید ء سزا دیگ بوتگ کہ آحمید
 بلوچ ء پاھو دیگ ء بگیری ء زربشت ء بہرے بوتگ ء وتی دگ ء اے زربشت ء راہمکم
 کنگ ء جہد ء کر تگ۔ لال جان بلوچ ء را اوں ہما بہتام اش جتگ ء دہ سال ء سزا اش
 داتگ (شرم کن ات)۔ دنگت حمید بلوچ ء ہون تاجگ آنت کہ بلوچستان ء بازیں دمگاں
 درزنانی حساب ء مئے وانندھیں سنگت، بی ایس او ء کارندہ دزگیر اش کر تگ آنت ء



آہاناں چابک جنگ ء سزا اش داتگ۔ چوشیں کُوھن ء لٹ ء پلپیں راہبند، پوج ء نوکر
 شاہی ٹولی ء سامراج ء ایردستی پمانوگیں دور ء ٹیکی آنت کہ ماہہ گل ء شات آیاں او پارکن
 ایں۔ بلوچستان ء سامراج مز نہیں کچے ء پندل سازگ ء انت۔ سامراج ء مدامی ماں
 بلوچستان ء نادینگ ء اد ء مہلوک ء ہلاپ ء زوراکى کنگ ء لانک اش مان جنگ ء اے
 درست سرپد انت کہ بلوچستان ء تیاب دپ ء امریکہ ء ریپڈ ڈپلنٹ فورس ء بنجای کمان ء
 ہاتر ء زری، بالی ء زمینی اڈہ جوڑ کنگ بوگ ء آنت (شرم کن ات)۔ من اے پتر ء سر ء اد
 ء درائیں دیمروئی دوستیں تاکتاں کلڈن کن آں ء پاکستان ء سرجمیں دیمروئی دوست ء
 جمہوری کوتاں گوں دز بندی کن آں کہ آاے پدرایں پندل ء بگیری ء توار چست بہ کن
 انت۔ اگاں بلوچستان ء سرزمین ء سر ء امریکہ ء زوراکى ء اڈہ جوڑ بہ بنت، گڑاے پہ اد ء
 تیوگیں جمہوری ء دیمروئی دوستیں تبکہ ء ہلاپ ء جنگے لیگک بیت۔ ء ایشی ء بگیری ء کہ
 بلوچ مرچی جہد کنگ ء انت، توار چست کنگ ء انت، اے توار ء تو انا کنگ ء ہاتر ء وتی
 بندپتری زمرہ واریاں پیلو کن ات، لہنتیں وھد انت کہ سرکار ماں بلوچستان ء وتی زر
 ہریدیں سردارانی کُکم ء بلوچ مہلوک ء کُلی جیڑہانی تہ ء مان شر دینگ ء وت ماں وت
 میڑینگ ء رپک ء سازگ ء انت۔ اے اد ء سیاسی پگر ء لگتال کنگ ء مز نہیں پندلے۔ ء اد



ء سر جمیں دیمر وئی دوستیں تیکہ ء زمہ واری انت کہ آاے پندل ء ہلاپ ء جہد ء جہد بہ
کن انت۔

منی مڑا ہداریں سنگت ء مہماناں!

بلوچستان ء ورنادوتی وتن ء جیرہ ء وتی زلم آماچیں مہلوک ء زبہری ء کت ء پل ء
ہلاپ ء توار ء بزرگنان ء چہ اے ہبر ء ہچیر بے سانہ انت کہ سامراج ء آئی ء دلاراں
اے دگ ء ر ایک مز نہیں سنگرے ء بدل کنگ ء پیسلہ کرتگ۔ اے درگت ء آئی ء وتی
بے سر ء نہیں گپ ء وتی جمہوریت دوستی ء جاگ کش اتگ ء دور داتگ۔ مرچی جنزل ضیا
ء پوجی ٹولی ء سر ء بازار پلہ مرزی ء کنگ ء انت (گیرت کن ات)۔ جنزل ضیا ء پوجی ٹولی اد
ء مہلوک ء بے ازتی ء کم شری کنت ء آہانی سر ء زور اکی کنت ء اسلام ء اوگام ء جنت ء
وت ء پہکیں مسلمانے لیک ایت۔ جنزل ضیا ء پوجی سرکار سامراج ء نپ ء ہیتانی چیر دستی ء
ہرچ زور اکی یے گوں اد ء مہلوک ء کنگ ء انت، آئی ء ہلاپ ء بی ایس اوناں اد ء
دیمر وئی دوستیں ٹولیاںی جہد ء چہ گستا بوتگ ء نیکہ دیکتر ء گستا بیت (چاپانی توار)۔ اے جد ء
جہد ء سندھ ء مہلوک ء ہما پہر بندگی (قابل فخر) کربانی کہ داتگ انت اے پما مز نہیں
راہشونی یے۔ ما آہانی دیم ء سر ء جہل کن ایں ء داد دین (چاپانی توار)۔ پ اے زربشت
ء اد ء جمہوری تاکتانی کرد ء کوششت پما مز نہیں شرپ ء مڑا ہے۔ البت ماہے سر پدیں کہ



مرچی میں جاوراں امریکی سامراج ء میان استمائی رجعت دوستیں تاکت پوجی سرکارناں
 وڑوڑیں جاگ پوٹنگ ء آنت ء پے ابدی مئے سرٹنگ ء پنڈل ء سازگ ء دزگٹ
 آنت۔ اے مئے زمہ واری آنت کہ ماجد ء جہد ء واستہ گونڈیں نپ ء ہیٹاں یل بہ کن این ء
 ہٹی میں جیڑہاں در بہ جن این۔ اسل دژمناس پجا بیار این ء ہٹی میں تاکتاں کیجاہ کنگ ء جہد
 ء بہ کن این۔ ایم آرڈی ادء مہلوک ء چہ جیڑہاں درکت نہ کنت۔ ایم آرڈی اے جہد ء
 یک پنڈے ء برت کرت ء ماداں اے پنڈے گوں ایم آرڈی ء ہمبر اهداری کن این بلے
 زربشت ء وتی مول ء مرادانی دزگرگ ء دیم ء برگ ء ڈبہ ہا تاکتانی آنت کہ آسامراج ء
 ہلاپ آنت، رجعت دوستانی ہلاپ آنت، راجی ایردستی ء ہلاپ آنت، ہما کہ زلم آماچیں
 تیکہ ء سیاسی منوگر آنت۔ پے اے جہد ء وتی کرد ء پیلو کنگ ء ہاتر ء ہمے پی میں مردماں دیم ء
 آگی آنت۔ ء مارا ہمے جیڑہ دیم ء کنگ ء جد ء جہد کنگ لوٹ آیت۔ ادء زلم آماچیں مہلوک
 ء تیکہ ء بے دروریں جہد ء ڈالچار کنگ ء ہج وڑیں جمہوری جہد دیم ء جنزرات نہ کنت۔ مارا
 گونگیں کتہ کاریاں ہمے درورنت رس اتگ ء انوگیں ایم آرڈی ء زربشت ء ما
 ہمے دربرنگ کہ ادء پوریاگر، دہکان تیکہ ء ہکانی بارو ء گپ کنگ ء ابید ہج جہد دیم ء برگ
 بوت نہ کنت، لس مہلوک ء راسکین دیگ بوت نہ کنت۔ چرے ہٹی جیڑہانی وسیلہ ء نہ
 ایوک ء چہ پوجی سرکار ء مئے جان چٹ آیت، بلکیں ماچہ وتی زلم آماچیں مہلوک ء لٹ ء



پُل ء زلم ء زوراکى ء ايندگه جنجالاں آجو کت کن ايس۔ من ادء درائیں جمہورى ء ديروئى دوستیں تاکتانی سرء زوراکى ء پابندیاں چه هدء ء گيش اير جن آں۔ وانده گل ء ايدگه گلانى سرء پابندی اش جنگ۔ من لوٹ آں کہ زوتاں زوت اسے پابندی هلاس کنگ بہ بنت۔ مئے لوٹ هميش انت کہ پوریاگر بدواھیں کانود کہ رواج ديگ بوتگ انت، زوت هلاس کنگ بہ بنت۔ پوریاگراں گل سازی ء هوریں سوداگرى (اجتماعى سوداگرى) ء هک ديگ بہ بيت۔ ماے پترء کمک ء تاکارى ء پريس ء آجوئى ء هاترء توار چست کن ايس۔ ء ما "پريس اند پبلى کيشنر آرڈیننس" ء پء تاکارى ء کش انگلیں زہے سر پد ہیں۔ پء کار جھانى "ڈى نيشلائيزيشن" ء هلاپ ايس۔ ما پوجى ززام (بجٹ) ء هلاپ ايس۔ ماگراں بهائی ء گيش کنگ ء سلاہ ء مچ کنگ ء هاکمانى هميش ء نوش ء هلاپ ايس۔ مادہ کمانى هک ء بير کد ايس۔ ما پوریاگرانى سرء زوراکيانى هلاپ ايس، ء اسے درائیں جيڑھانى بگيرى ء توارء برز کنگ ء اى ايس اووتى زمہ وارى ليک ايت۔ اسے درگت ء بى ايس او ء وتى وسيلگانى کمک ء هر وهدء جدء جھد کرنگ۔ ما بلوچستان ء پاکستان ء ايندگه صوبہاں لس مہلوک ء جمہورى تاکتانی بگيرى ء جنگیں پابندیاں اير جن ايس ء اسے جارء جنگ ء الی ليک ايس کہ ما چه انوکس پوجى ها کماں مچ وڑیں و شمسى ء تلگار نہ ايس۔ مارا سکت انت کہ مہلوک ء هکانى



دیگ ء اے ہج وڑ ء سا جو نہ بنت۔ ہمیشہ کہ ما آھانی جنگیں جا رہے اعلاناں گوں مہلوک ء ملنڈ ء
مسکراہے لیک ایں ء ایشاں ہج وڑ ء نہ من ایں۔

گڈ سر ء من یکیرے پد ء شے در ایں واہ جانی منت واراں ء اے گپ ء چہ شہا
پہلی لوٹ آں کہ شہا بازو دار یک بوتگ ات۔ سوب ء التاں شہاوت سر پد ات۔

ایر دستیں راج ء زلم آما چیں تبکہ ء جہد زندگ بات!

جمہوری دیمروئی دوست ء سامراج دژ من ٹولی ء جہد زندگ بات!

پوجی، زور شاہی سرکار ء رجعت دوستی مردگ بات!

امریکی سامراج ء آئی ء دلار مردگ بات!

(چاپانی توار)



مندء لس مچی ء گشتانک 27 مارچ 1998

بلوچ وانندہ گل ء شرپداریں راہستون ء دیوان ء بہر زور و کیں دوست،
سنگت، کماش، برات، مات ء گوہاراں!

من بی ایس او ء راہستون ء کارندہانی منت وار آل کہ آھاں مارا اے
پڑ مڑائیں دیوان ء تران کنگ ء شرپ بکش ات۔ اے درگت ء من بی ایس او ء سنگتانی
دل ء جہلانک ء منت ء گراں۔

مڑاھداریں دیوان! مرچی نہیں اے دیوان بلوچی ء ہامز نہیں زانکار ء یات ء
برجم دارگ بوگ ء انت کہ آئی ء گشتنگ:



بیا ات منی شاہی خیر تپاکیں براہندگاں
 من گماں رنجیتگیں اولاک نہ باں
 کول انت نوکیں یات گارے رنگ کناں

شرپداریں واجہاں! بلوچ راج ۽ جہد ۽ کاروان ۽ بلوچستان ۽ گیرت مندیں
 رھد ربر، دلیر ۽ مزن جگرس پُتنگ ۽ بلوچستان ۽ ہاتر ۽ سرندر کنوکیں و تن دوستاں بُند پتر ۽
 ہما کرد پیلو کرتنگ کہ مرچی اے کاروان ۽ مادیں راہ گپتنگ ۽ گام جنان انت۔ اے منزل
 نہ ایوک ۽ بلوچستان ۽ زلم آماج ۽ ایردستیں مہلوک ۽ منزل انت، بلکین سرجمیں دنیا ۽ زلم
 آماج ۽ ایردستیں مہلوک ۽ منزل انت۔ اے منزل ۽ سر بوگ ۽ ہاتر ۽ بلوچستان ۽
 راہشون، بلوچ راج ۽ نمیران ۽ بلوچستان ۽ ہمک پیر ۽ ورناء ہما کربانی دانگ انت، بلوچستان
 ۽ نوکیں پد رتچ ۽ مئے پت ۽ پیر کاں ہما جہد کہ کرتنگ، پہ بلوچستان ۽ آگبت ۽ پُر ارزشتیں
 بستارے ۽ واہند انت۔ بلوچستان ۽ مہلوک ۽ زلم سگ اتگ، بازیں کیمتی کش اتگ۔ بلوچ
 الس ۽ سر ۽ آس اش گورتگ، بلوچستان ۽ اُلس وقتی ہک ۽ ہلا ریں مردمی اگبالانی لوئگ ۽
 ہوڑ ۽ چہ جناوری سزاہاں نہ رکت اتگ۔ بلوچستان ۽ مہلوک ۽ رااے گناہ ۽ سزا اولں دیگ



بوٹگ، آہانی دل ء اے گناہ یے کہ آہاں بلوچستان ء راجدو ستیں راہشون وتی رھد ربر
 گچین کرتگ انت۔ بلوچستان ء مہلوک ء اے گناہ ء سزا بمب ء ٹوپ، تیر ء گولہانی ڈروشم
 ء دیگ بوٹگ۔ بلوچستان ء مال ء مڈی، دریا ء اے دگہ درائیں مادن پیسر ء کٹ ء پل اش
 کرتگ انت، پے زور پچ اش کپتگ انت، بلوچ مہلوک بے وس ء لاچار اش کرتگ، بلوچ
 راج ء در پے درھاک پے سرکنگ ء نلاج اش کرتگ، بلوچ اُلس ء رالچار اش کرتگ کہ آ
 وتی لوگ ء جاگہاں یل ء پے کن انت ء درانڈیھ نہیں زندے بہ گوازین انت، چنڈے نان ء
 ہاتر ء در پے در بہ بنت، بلوچستان ء مہلوک ء چہ آئی ء زبان، دودمان ء ریدگ پے زور پچ
 گرگ بوٹگ انت، ایٹی ء ہمبر اھی ء بلوچ مہلوک چہ راجی پچار ء زبہراش کرتگ۔

بلوچستان ء پڑاہ ء شاھیکانیں زمین ء بلوچانی ماتیں وتن وتی ار جان اش جتگ۔
 سنٹ ء ویران اش کرتگ۔ پاکستان ء زور اکیں ہاکم ء پنجاب ء ڈڑیں لشکر ء گوں وتی
 بلوچیں دلاراں کہ مرچی جام ء خانانی ڈروشم ء مئے تہ ء ساڑی انت، بلوچ راج ء ر ایر
 دست اش کرتگ۔ بلوچ ء ر اھماھال ء سرراش کرتگ کہ گپ نہ بیت ء بلوچستان ء ورناھمے
 گناہ ء مڑ ء پاھو اش دات انت کہ آھاں دنیا ء ایندگہ وتواک ء دیمروئی کرتگیں راجانی پیم
 ء راجی اگبالانی گپ جتگ۔ حمید بلوچ ء راجی ء پاھو اش دات؟ حمید زاناں گُشنده یے ات؟
 دڑ ء ڈنگے ات؟ بلے بھک انساپ دوست اے گپ ء سر پدانت کہ آدڑ ء ڈنگے نہ بوٹگ۔



آئی و میار بس ہمے بوتگ کہ آئی و ظفاری اُلس لُت و پُل و بلوچ مہلوک و نیز گاری و چہ
 ناجائزین نپ و چست کنگ سگ ات نہ کرتگ۔ حمید بلوچ و زہر شانی کرت و ہمے گناہ
 مڑ و آئی و راپا ہواش دات۔

بوہیریں واجہاں! انچو کہ بلوچستان و بند پتر چو در پشو کیس استارے و در انت،
 حمید بلوچ و نمیرانی و مئے جوزگ و مارشت گیش و دینتگ انت۔ انچو کہ زانکارے و گنگ
 انت "یک و ہدے مرایت، آئی و سرکار و مدت ہلا س بیت۔ بلے اگاں یک نمیرانے
 بیران بیت گڑا آئی و نوبت آئی و مرگ و رند بنا بیت۔" حمید بلوچ نمیران بوت۔ حمید
 بلوچ و بلوچستان و ہمک زہگ و دل و جاگہ کرتگ۔ ایٹی و ابید بلوچستان و زنداناں بلوچ
 و رنا کریاب اش کرت انت۔ بلے چہ ایساں ابید زلم آماچیں بلوچ مہلوک و ہمے پُتنگ و تی
 راہشون گچین کرت انت۔ "من ہچے نہ آں۔ منی وڑیں سداں سنگت، کہ آازگار نہ
 انت، بلے من بلوچستان و مہلوک و و تی سنگتانی دل و جہلا کی و منت واراں کہ اے جہد و
 را، ہمک کنگ و ہاتر و منی پیہیں نزوریں مردے و رازمہ واری کو پگاں داتگ انت۔"

بلوچستان و ورناء آہانی جد و جہد بی اہس او و ہوار و تو تانائیں جہد و دروشم و
 بلوچستان و مہلوک و دیم و پدرا انت۔ اے جہد روچ و روچ دیم و روان انت۔ اے دگہ
 گپے کہ مئے دژمن نپ و ار و سرکار و کاسگ چٹ مئے جہد و بدیں نگاہے و چار انت۔ و



اے جہد ء رابدیں نامے دیگ لوٹ انت۔ مئے دژمن مئے جہد ء رادلاری ء نام ء دنت۔
 مئے جہد ء اسلام دژمنی ء نام ء دنت۔ بلے ماگوں وتی برات، سنگت، کماش ء مہلوک ء پدّر
 کرتگ ء گشتگ کہ بلوچستان ء ورنابلوچستان ء باندات انت۔ انچو کہ یک مز نہیں استادے
 ء گشتگ۔ "ورنایاں! باندات شمنیگ انت۔ چی ء کہ مرچی نہیں زہگ باندات ء پت
 انت۔"

مڑاھداریں واجہاں! ہما مردم کہ یہ نازانتی یا کہ سرکار ء کاسگ چٹ انت ہمے
 دروگ ء بندگ ء انت کہ اے "چوریگ" انت، اے چے کرت کن انت؟ بلے ما آھاں
 گشتگ لوٹ ایں کہ آزانان وت چے بوتگ انت؟ آچل ء پنجاہ سال ساری چے بوتگ
 انت؟ الم آرزہگ بوتگ انت۔ مابلوچستان ء ورنایاں چے وتی بے وسی ء کم کشادی ء بلوچستان ء
 راجی پگر ء مارشتاں بلوچ راج ء سرکنگ ء ہاتر ء ہما جہد ء کوشست کرتگ انت یک ہوش مند
 ء راستی ء منو کے الم ملیت اش۔

بلوچستان ء بندپتر دلیری ء مزن جگری ء بندپتر انت۔ ء بلوچستان ء ورناتوتی
 بندپتر ء ہروڑ ء زندگ کنت۔ بلوچستان ء ورنابالاج ء بندپتر ء زندگ کنگ لوٹ انت۔
 بلوچستان ء ورنامیر چاکر ء بندپتر ء نوک کنگ لوٹ انت۔ میر کبر ء بندپتر بلوچستان ء
 ورنایانی میر اس انت۔ ہما کبر کہ آئی ء مات ء گشتگ ات۔



تئی مرگ ءِ ہال کیت
 نوکیں سر ءِ گوپے کنناں
 پیراں دو بر ورنہاں
 تئی مٹ ءِ پد ءِ پیداک کنناں

شرپندیں واجہاں! بلوچستان ءِ بند پتر چہ نمیر انانی ہوناں سہر انت۔ بلوچستان ءِ
 بند پتر ءِ ہمک تاکہ ہم بلوچستان ءِ وتن دوستیں ورنہاں کما شانی دیم ہونیاں چہ رژناہ انت۔ ہمے
 وڑ ءِ اگاں ما آلم ءِ زانیکارانی روچاں داراں اسل ءِ ما آھاں شرپ بکش ایں۔ ماے ہم گش
 ایں کہ مئے آلم ءِ زانیکار ءِ مئے راجی شائر ملا پازل ءِ ایندگہ بوہیریں شائر گسر کپنگ انت،
 آھاں مئے راج ءِ سر ءِ سون کرنگ۔ انچو کہ ملا پازل گوش ایت:

مکاں تاراج ءِ شاہاں ماں گورگنداں کن ات

چہ اے شیمر ءِ ماراجہد کنگ ءِ سکین رس ایت۔ ءِ مئے آؤکیں پد رتچ ءِ مئے لس
 مہلوک ءِ اے سکین دیگ ءِ جہد کرنگ کہ وتی کماش، آلم ءِ زانیکارانی گشتنگیں گپانی سر ءِ
 بیست۔



آریں و اجہاں! بلوچستان ۽ سر زمین ۽ سر ۽ پاکستان ۽ امریکہ ہر چہ پند لے کہ
 سازگ ۽ انت ایساں سرجمی ۽ درشان کنگ ۽ ہاتر ۽ وھد ۽ پکار انت، وھد ۽ کمی ۽ نوب ۽
 من اد ۽ یک گپے پد رکنگ لوٹ آں کہ دنیا ۽ ہر جاگہ یک زلم آماج ۽ ایر دستیں راجے ۽
 زلم ۽ ہلاپ ۽ جد ۽ جہد بنا کرت، گڑا آھج تاکت ۽ پر و ش دات نہ کرتگ۔ (دیوان ۽ چاپانی
 توار) ھے وڑ ۽ مارا ھم وتی جہد ۽ سر ۽ ستک انت کہ وھدے بلوچستان ۽ پٹنگ، بلوچستان ۽
 کماش، مات ۽ گوہار یک توار بوتگ ۽ ھمکو پگی ۽ جہد کنگ ۽ پیسلہ اش کرتگ، گڑا اے جہد
 ۽ امریکہ ۽ آئی ۽ دلار ھج وڑ ۽ پر و ش دات نہ کن انت۔ (چاپانی توار)

مڑا ھداریں و اجہاں! مارا اے گپ ۽ سر ۽ ستک انت انچو کہ دنیا ۽ ایند گہ زلم
 آماچیں راج ایشیا، افریکہ، لاطینی امریکہ ۽ مردم وتی جہد ۽ سو بین بوتگ انت ھے وڑ ۽
 بلوچستان ۽ گریب ۽ بد ہالیں مہلوک وتی راجی و تو اجہی ۽ دز گرگ ۽ سو بین بیت۔ (چاپانی
 توار)

شر پندیں و اجہاں! بلوچستان نیشنل یوتھ مومنٹ کہ مئے سنگتاں بلوچستان ۽
 مز نیں سیاسی کارندہ ۽ سیاسی راھشون واجہ ڈاکٹر عبدالحی ۽ سروکی ۽ جوڑ کرتگ، ایشی ۽ بکی
 لوٹ ۽ گزر ھمیش انت کہ گوتگیں بیست سالوں بی ایس اد جہد کنگ ۽ انت۔ اے مول ۽
 مر ادانی تہ ۽ بلوچستان ۽ راجی و تو اکی، بلوچستان ۽ لٹ ۽ پل ۽ ہلاسی، بلوچانی راجی بہر ۽ بانگی ۽



نوک ٹہینگ، بلوچانی زبان، دودمان ۽ رید گانی پاهاگ ۽ هڪ، بلوچی زبان ۽ بلوچستان ۽ سرڪاری زبان ۽ بستار ۽ منارینگ، بلوچستان ۽ وانگ ۽ زانگ، جان سلامتی ۽ روزگار ۽ هڪ ۽ منارینگ، بلوچستان ۽ مادن گیس، ٹیل ۽ اے دگہ مڈیاں بلوچ مہلوک ۽ دست ۽ دیگ، بلوچستان ۽ نبشتہ ۽ گشتانک ۽ آزاتی ۽ ایشی ۽ هواری ۽ تیوگیس زلم آماج ۽ ایرد ستیں اُلس ۽ جہد ۽ گون بوگ هوارانٹ۔

مڑاھداریں واجہاں! مئے جہد بلوچستان ۽ زلم آماجیں اُلس ۽ جہد انت۔ مئے جہد هج وڑ ۽ سردار ۽ وڈیرہانی جہد نہ انت۔ اگاں کسے بلوچ جد ۽ جہد ۽ ریں نگاہ یے ۽ چارایت یاردیں رنگے ۽ پد رنگ ۽ جہد ۽ کنت ۽ ایشی ۽ سردار ۽ نوابانی جہد لیک ایت، ما آھاں سر پد کنگ لوٹ ایں کہ بی ایں او ۽ بلوچ راج ۽ بند پتر اے گپ ۽ پد کنت کہ سداں سردارانی تہ ۽ گیشتر پاکستان ۽ بند پتر جوڑ بوتگ انت، آھاں پنجاب وتی دوست لیک اتگ۔ اگاں سردارے ۽ بلوچ زرمبشت ۽ پلہ مرزی کرتگ آدو ۽ سہ ۽ گیشتر نہ بوتگ انت۔ (چاپانی توار) ما ایشاں سردار نہ گوش ایں بلکیں ما ایشاں بلوچ مہلوک ۽ ہیر واہ لیک ایں۔ سردار جام غلام قادر انت کہ نالتے دمب ۽ بات۔ (نگلے بہا زور)

بوھیریں واجہاں! مارا اے گپ ۽ سر ۽ سٹک انت کہ بلوچستان ۽ مہلوک یکروچے وتی هکاں تچ گپت، بلے ہماشرت ۽ کہ آھور ۽ تپاک بہ بنت ۽ جہد بہ کن آنت۔



من بی ایس او ۽ جہد ۽ داد دیاں ۽ من ۽ پھر انت کہ بلوچستان ۽ ورنایاں بلوچ مہلوک ۽ را
انجیوں پروگرامے دانگ کہ بلوچ مہلوک ۽ لوٹ ۽ پکار انت۔ ۽ جاورانی لوٹ اوں ہمیش
انت کہ اے پروگرام بلوچ ۽ "ھواریں جنگ ۽ پڑ" انت۔ ماے پروگرام ۽ لوٹوک ایں ۽
ایشی ۽ پلہ مرزی ۽ کن ایں۔

واجہاں! مالوٹ ایں کہ شماراوتی کلوه ۽ سر بہ کن ایں ۽ گوں شاتران بہ کن ایں
بلے وھد ۽ کمی ۽ سوہ ۽ من وتی گشتانک ۽ گونڈ داراں۔ شتے سک بازمنت وار۔



ترتیب ۱ لس مچی ۱ گشتانک 1 مئی 1988 ترتیب

بلوچستان لیبر فیڈریشن ۽ اڑت مندیں راہستون ۽ سنگتوں، دیوان ۽ پاگواجہ
ہارون بلوچ، واجہ اسحاق بلوچ، بلوچستان ۽ گریب ۽ نیز گاریں پوریاگر ۽ پوریاگراں، راج ۽
ورنہ مئے کماش ۽ برادلاں!

ما میان پوریاگرانی میان استمانی روج ۽ درگت ۽ درستاں پیسر ہما آشوبی
پوریاگر رھدر براں داد دین کہ آھاں پوریاگرانی مزینیں مکسد ۽ ہاتر ۽ وتی سر ۽ نگر نہیں
جانانی کربانی دانگ ۽ چہ مرچی ۽ یک سد ۽ بیست (120) سال ساری امریکہ ۽ شہر شکاگو ۽



نمیران کنگ بوتگ آنت۔ من ہما آشوبی راہشونانی کردہ جہد دل و جہلا نکلیاں ساڑھاں کہ آھاں زلم آماچیں مردماں نوکیں راہے پیش داشتنگ۔

منی کماش و سنگتاں! پوریاگرانی میان استمانی روج یا مئی و روج یک ریٹی (روایتی) روچے نہ انت۔ گندگ و اے یک سرکاری روچے درابیت، بلے اے گپ و گیشینگ المی انت کہ اے زوراکیں سرکار و گول اے روج و ہچ دست و داوانیست۔ اگاں اے درگت و سرکار موکل (چھٹی) و جار و جنت، تہ آھیابہ کنت، پرچہ کہ آگول و قی میان استمانی مردم کشیں سرکماشانی هواری و پوریاگر تبکہ، پوریاگر، دہکان، مید و شپانکافی کُشدہ انت۔ آگول اے ملک و پوریاگراں زوراکی کنگ و انت۔ آئی و نیز گاریں مہلوک چہ زندگی و درائیں حاجتاں زبہر کرتگ۔ آئی و زلم آماچیں راج چہ و قی ہک و پچار و زبہر کرتگ انت۔ اگاں آ پوریاگرانی روج و چٹی کنت، اے گول پوریاگر تبکہ و ہمدردی و درشان نہ انت، بلکیں اے میان استمانی حساب و تیوگیں دنیا و ارباں مردمانی جو زگ و دیم و ہاکم تبکہ و بے و سین پر و ش انت کہ ایک نیمگے پوریاگر تبکہ و کوش و ہوار انت، پوریاگرانی سر و زلم و زوراکی کنت، نیز گاریں اُلس و لُٹ و پُل کنت، دومی نیمگ و پوریاگرانی میان استمانی روج و موکل و دیگ و ہم لاچار انت۔



منی کماش ۽ سنگت! پوریاگرانی روج پہ زلم آماچاں، پہ ایر دستاں، دنیا ۽ سرجمیں نیز گاریں مردمانی ہاتر ۽ یک دور ننتے۔ مارا شماراے روج شری ۽ گیر آرگی انت، پگر کنگ ۽ جیڑگی انت کہ پوریاگراں اینگل، فشر، رابرٹ، اسپا کنز ۽ ایندگہ بازیں رھدر برانی سروکی ۽ وھدے 1886ء امریکہ ۽ زرکارانی لٹ ۽ پل ۽ زوراکیں تاکتاں زلم آماچیں تبکہ پوز ۽ سیننگ ات، آھاں وتی چک وانینت نہ کرت انت، آاے چودلوتانی وڈ ۽ کارگت انت، آھاں وتی زندگی چھ وڈ ۽ پاھازات نہ کرت، درستاں ساری یک مہکمیں زربشت ۽ زہر شانی یے بنا کرت، چد ۽ پیسراے وڈیں زہر شانی یورپ ۽ بازیں ماکاں اول بوتگ ات۔ ایٹی ۽ ابید امریکہ ۽ بازیں شہراں اے زربشت ۽ سرکش اتگ ات۔ اے زربشتاں ہرانی کچ ۽ آشوبی رودیتنگ ات۔ ایٹی ۽ ساری مارکس ۽ پیسراے آشوبی رھدر برے ۽ وتی نام درآور تگلیں کتاب ۽ اے اوگام جنگ ات کہ "دنیا ۽ پوریاگراں یک ۽ تپاک بیت۔" اگاں شاموتی ہکاں گرگ لوٹ ات، گڑازرکاری ۽ گردن ۽ چیر موڈین ات۔ اگاں شامردم ۽ بستار ۽ زندگوازینگ لوٹ ات، گڑاواک (اقتدار) ۽ وتی دست ۽ کن ات، زرکارانی گور ۽ مہ پنڈ ات۔

چد ۽ پیسراے برطانیہ ۽ پوریاگراں اول وتی ہکانی ہاتر ۽ زربشتے بنا کرتگ ات، بازیں کساے زہر شانی کرتگ ات۔ اے درگت ۽ برطانیہ ۽ امیدگس ۽ لے پیش کنگ



بوٹگ ات۔ بلے آوہدے آمیدگسے مسترے کستروت زرکارات انت (انچو کہ مرچی پاکستان ء دگہ لہنتیں ملکانی حال انت) آھاں پہ وت ء دلار جوڑ کر تگ ات۔ وھدے آمیدگسے پوریاگرانی بل پیش کنگ بوت، بس یک باسکے ء اے بل ء پلہ مرزی کرت۔ آمیدگسے اے باسکے گنگ ات۔ "واجھاں! ماچدے گیشیں چیز نہ لوٹ ایں، ما بس ھے گنگ لوٹ ایں کہ اے اسمبلیاں پوریاگرانی ھکانی لوٹگ ء متلب سرے گوں سنگ ء میڑینگ انت۔"

شرپد اریں واجھاں! پوریاگر تبنکے ء ھلاپ ء زرکارانی لٹ ء پل، ٹیکانی زوراکی، زلم ء لٹ ء پل ء ابید پوریاگر تبنکے ء وتی زلم آماچی ء مارشت، وتی ھکانی سنج، پہ وتی جد ء جہد ء پگر ء لیکہ پے ء جو زگاں چکار بوٹگ انت۔ زرکار چو بوٹ ء پوریاگرے ھوناں چو گنگ ء ات انت۔ زلم آماچیں مردم اش پہ زور کار گنگ انت۔ زرکار چو ھو نواریں رستر ء وتی ھونی میں پنچگاں بنی آدم ء نیمگ ء شہار دیان ات، وتی نیشیں دن تاناں سوھان کنگ ء ات، ء بنی آدم چہ زرکاری راھبند ء یک مز نہیں ترس ء بیٹے ء گور جنگ ات۔ پرچہ کہ زرکاری ء بزردوم سامراجی راھبند ء تہ ء بدل بوان ات۔

1886 ء امریکہ ء پوریاگراں (مرچاں امریکہ سرجمیں دنیا ء زلم ء زوراکے ء چیدگ لیگ بیت) امریکہ ء کارجاہی (صنعتی) شہر شکاگو "A" نامیں



منڈی (مارکیٹ) یے ءیک مزین دیوانے برجم داشت۔ آھاں زربشتے ء بنھشت ایر کرت، اے زربشت ء لوٹ ء گزرسک کم ات انت۔ ہمے کہ (1) پوریاگراں ہر روچ 18 کلاک ء کار بندگ مہ بیت۔ پوریاگر مردم انت، جانور نہ انت۔ ہمیشہ آھاں روچے 8 کلاک ء کار بندگ بہ بیت۔ (2) اگاں پوریاگرے کار جاہ ء مشینے ء زد ء بمیت ء لنگ ء منڈ بہ بیت، آئی ء راھکداری دیگ بہ بیت۔ (3) انچو کہ زرکاروتی چکاں وانگجاہ ء دیم دینت، ہمے پیم ء پوریاگر ء چکاں ہم وانگجاہ ء روگ ء ہک دیگ بہ بیت۔ (4) پوریاگراں ہم دوا ء درمان ء آسراتی دیگ بہ بیت۔ (5) پوریاگرانی مُرگیش کنگ ء آھانی پگار و دینگ بہ بنت۔ پرچہ کہ پوریاگر بہ زرکارانی ہاتر ء چو جناور ء وڈ ء کار ء ہیدر پچی کن انت۔ بلے آھانی چک شپ ء شد ء لاپ و پس انت۔ شکاگو ء پوریاگر ہمے پیہیں جیٹھانی سر ء زہر شانی کنگ ء ات انت۔ آھاں 1 مئی 1886 ءیک زہر شانی دیوانے برجم داشت۔ اے سرجم ء پُر ایمنیں دیوانے ات۔ اے دیوان ء ہچ پیہیں گڑ ء بڑ درانہ بوت۔ اے گپ ء درستاں چہ مستزیں منانک ایش ات کہ پوریاگراں ہما بنر کہ دستان ات انت، آدرست اسپیت ات انت۔ آھانی گشگ ات کہ ماراگوں زرکاراں ہچ وڈیں جنگ ء داوا یے نیست۔ ماچہ زرکاراں آھانی ہاکی (کرسی) ء نہ لوٹ ایں۔ مازکارانی واکداری ء ہم نہ لوٹ ایں۔ مارا بس مردم ء بستار ء زندگ بوگ ء ہک دیگ بہ بیت۔ مئے کار ء وھد ء پاس کم کنگ بہ



بیت۔ مئے مڑ گیش کنگ بہ بیت، مار روز گارہ ہک دیگ بہ بیت۔ آہاں کہ پوریا گرانی
 اے مہکمیں دیوان ءرادیسٹ (انچو کہ دنیا ء تیوگیں فاشسٹ، زوراک ء کشندہانی ربیت
 انت کہ آہر جاگہ ایمنی ء بدل ء لٹ ء کٹ کنت، آہر وھد ء زلم آماچیں تبکہ ء ہاموشی ء
 آئی ء نزوری لیک ایت) آہاں پوریا گرانی ہلاپ ء وقتی زوراکیں استان ء جنگی ازباب
 کار مرز کرت آنت۔ آہاں پوریا گرانی پُر ایمنیں دیوان تیر گواری کرت، پوج ء پولیس ء
 گوں وقتی زور ء پوریا گرانی سر ء بیڑ برت۔ ہزارانی حساب ء پوریا گر ء لس مہلوک ہوناں
 میچل ات۔ وھدے پوریا گر گوں اے پیہیں زوراک ء ناروائی اش کرت، تہ پوریا گرانی
 گوں زربشت ء جوڑگ ء مارشت چد ء گیش بوت آنت کہ اے ہونوار، ٹیک، اے مردم
 کشیں زرکار، دنیا ء تیوگیں زلم آماچیں مہلوک ء لٹ ء پُل کنگ ء انت۔ وقتی زر ء مالاں
 ودینگ ء انت، وقتی بان ء بادگیراں گیش کنگ ء انت، بنگلہانی سر ء بگلہ بندگ ء انت،
 آہانی لاپ روج پہ روج مستر بوان انت۔ ء اے پوریا گر تبکہ ء یہ ایمنی، واہ ء زاری، منت
 ء دزبندی ہکانی دیگ ء ہچ وڑ ء ساڑی نہ انت۔ پوریا گراں اے ہبر ماراٹگ کہ پوریا گر
 تبکہ، زلم آماچیں مردم ء ایر دستیں مہلوک داں وقتی ہکانی ہاتر ء ہور ء تپاک مہ بنت، وقتی
 ہکاں وت چچ مہ گر آنت، اے زرکار ء ہاکمیں ٹولی پہ شربندی ء دزبندی ء ہچر آہانی
 ہک ء نہ دینت۔



پوریا گرانی زربشت دیم، روان آت، پوریا گرانی ہما سیتیں بیرک، بینر کہ
 آہاں پہ ایمنی، نشانی، گون آت انت، چہ نمیر انانی ہوناں سہر ترات آت۔ یک
 پوریا گرے، وتی پشک کش ات، ہون، مین، کرت، پدا ہما سیتیں بیرک، بینر
 ہونانی تہ، گلنت انت، برز، چست، کرت آت، ہماروچ، جارے، جت بیات دگہ
 کوش جاھے سمہین ات۔ اگاں شاپیلہ کرتگ کہ زلم آماچیں مہلوک، وتی ہکانی لونگ
 ، ہوڑ، جن ات، کش ات، گڑاھک لوٹوکانی لشکر روچ پہ روچ وڈان بیت، پوریا گرانی
 وت ماں وت نزکی روچ پہ روچ وڈان بیت، شماروچے نوکیں پاھو، کوش جاھے جوڑکن
 ات۔ انچو کہ فیض احمد فیض گش ایت۔

ہر اولی الامر کو صدا دو
 کہ اپنی فرد عمل سنبھالے

اٹھے گا جب جمع سر فروشاں
 پڑیں گے دار و رسن کے لالے



کوئی نہ ہوگا جو بچالے
سزا جزا سب یہیں پہ ہوگی

یہیں سے اٹھے گا روزِ محشر
یہیں پہ روزِ حساب ہوگا

زلم آماجیں تبتکہ، ایر دستیں تبتکہ، دہکان ء پوریاگرانی تہ ء زانت ء زانگ ودی
بوتگ ات، وهدے آس ء گیش داراش پر کرت، تہ آئی ء برانز چد ء گیش برزشت
انت۔ پوریاگرانی زربشت زیات مہکم تر بوت۔ 2 مئی ء چد ء مستریں دیوانے دارگ
بوت۔ 3 مئی ء مز نہیں شہراں زہرستانی کنگ بوت۔ درائیں کار جاہ، دکان ء بازار بند اش
کرت انت۔ تیوگیں زلم آماجیں پوریاگر، کار جاہانی پوریاگر ء دزکاراں جارجت کہ داں
پوریاگرانی حیڑہ گیش ء گیوار نہ بنت، ماکار جاہاں مچھ وڑیں کار ء روزگار نہ کن ایں۔ اگاں
مئے چک شد ء مرانت، بہ مرانت، اگاں مارا شد کش ایت، بہ کش ایت، ماراثری بہ جن
انت ء بہ کش انت بلے مئے پیسلہ ہمیش انت کہ مئے زربشت دیم ء روان بہ کنت۔ زرکار
ٹولی ء آہانی زلم ء زوراکی چہ ہد ء گوستگ ات انت۔ پوریاگرانی حک اش جت انت،
آہانی رھدر بر ء رھشون اش پاھودات انت۔ آوھد ء پوریاگر رھدر براں جو انیں دانک



ء گشتن در شان کت انت۔ مردم ء بند پتر اے دانک ء گشتناں ہچبر ڈالچار کرت نہ کنت۔
 آھاں ہما گوہریں دانک گشت انت کہ تیو گیس دنیا ء آشوبی ء زلم آما چیں مردمانی راہسٹونی
 ء ہاتر ء بس انت۔ اینگل ء گشت کہ "اوزر کاراں! شما چہ مائے زندگی ء تیج گپت کن ات،
 بلے شمائے زربشت ء مود ء ٹالے ء تاوان ء دات نہ کن ات۔" فشر ء گشت کہ "زر کاریں
 واجہاں! من ء پھر انت کہ من پہ جو انیں مکدے ء ہاتر ء وتی ساہ ء ندر کنگ ء
 آں۔" ہمے وڑ ء اسپا کنز ء گشت کہ "واجہاں! اے زدیہمی ء مہ بیت کہ شما پوریا گرانی
 توار ء گنگیر کن ات، شما مرچی پوریا گراں کنگ ء ات، بلے یات بہ دار ات کہ اگاں شما
 مرچی مئے توار ء گنگیر کن ات، بلے باندا مئے سگار پہ شما چست بنت ء شئے سرائی پھریزگ
 ء کس دیم ء در نیت۔ ء شمارا کس وتی باھوٹ نہ کنت۔" ہمے وڑ ء دگہ پوریا گر راہسٹونے
 گشت۔ "واجہاں! مئے ہاموشی ء بے وسی یک روچے چہ شئے توار ء گیش توانا تر بیت۔ آ
 روچ نریک انت وھدے پوریا گر تبنکہ ء بامر دم مردم ء راجد پتر ء گوں وتی گر میں ہوناں
 پوریا گرانی زربشت ء پیشانی ء مُش انت۔" ء ہمے وڑ اول بوت۔ آھاں پوریا گرانی
 زربشت ء تاک رژناہ کرت انت۔ آھاں دنیا ء در انیں زلم آما چیں مردماں نوکیں راہے
 پیش داشت۔ پداجد ء جھد ء اے کاروان چوژند ء تیزیں توپانے ء دیم ء روان بوت۔
 زرکارانی چم سر ء شت انت۔ لٹ ء پل کنوکیں تبنکہ ء ہوش برگشت کہ جی یے بوت؟ ماؤ



ایشانی راہشون پاہودات انت، پراہاں روزگار ۽ در ۽ وسیلہ بند کرت انت بلے اے
انگت دارگ نہ بنت۔ چو مستیں توپان ۽ دیم ۽ روان انت۔

وہدے پوریاگرانی تبنکہ ۽ زرمبشت دیم ۽ جنزان بوت، زرکاراں تر سے چیر
کپت۔ انچو کہ پوریاگرانی راہشوناں گشتگ ات کہ یکروچے کیت مئے توار بڑ بیت۔
پوریاگران زرکاراں لچار کرت انت کہ آپوریاگرانی ہکاں بہ من آنت، میان استمانی کانود
جوڑ بہ کن انت، تاکہ پوریاگران ہشت کلاک ۽ گیش کار بندگ مہ بیت۔ آنا لاج بوت
انت کہ پوریاگران رژناہ پگری ۽ بست ۽ بند ۽ بہ کن انت۔ پوریاگرانی چکاں جانسلامتی
۽ وانگ ۽ ہاتر ۽ گالگج بہ زور انت۔

بلے کہ امریکہ ۽ زرکاری ۽ راہبند ہلا س نہ بوتگ، روکپتی ماکاں ہم اے
راہبند ہلا س نہ بوتگ، پوریاگر تبنکہ زرکاری راہبند ۽ تہ ۽ ہاکم بوت نہ کنت۔ بلے چریشی ۽
ابید پوریاگر تبنکہ ۽ وتی جہد ۽ کوشست، ہور ۽ یکجاہی، گل سازی اے گپ ۽ گواہ انت کہ
اگاں مہلوک، زلم آماچیں تبنکہ تپاک بہ بیت ۽ وتی ہکانی ہاتر ۽ جہد بہ کنت، گڑا آئی ۽ زلم ۽
زوراک، لٹ ۽ پل، تیر ۽ تپنگ ہچ وڑ ۽ پروش دات نہ کنت (چاپانی توار)۔ آہاں اے
مناریتنگ کہ پوریاگر تبنکہ ایر دست بوکیں تاکتے نہ انت، پوریاگر تبنکہ بند پتر سازیں کو
تے، پوریاگر تبنکہ چہ درستان دیما تریں تاکتے۔ پوریاگر تبنکہ راجمان ۽ رھدربر



انت۔ پوریا گرتبکہ ہمتبکہ انت کول پوریا گرتبکہ راہشون "زرکار چہ پوریا گرنی ترس ء
لر زانت بہ لر زانت، آہانی جان ذرہ ایت، بہ ذرہ ایت، پوریا گرنی گور ء پہ ببادیگ ء بید ء
وتی پاد ء زمزیلاں دگہ ہچ نیست، ء پہ دست کپگ ء دنیا یے دیم ء انت۔"

شرپ مندیں واجہاں! پوریا گرتبکہ ہمتبکہ انت کہ آہج ء گم ء نہ کنت (چاپانی
تور)۔ آچی ء چہ لٹ ء تیر ء بہ ترس ایت۔ آچہ جیل ء زنداناں پر چہ بہ ترس ایت۔
پوریا گر ء زنگی وت یک زندانے ء کمتر نہ انت۔ آئی ء زند چو ما شجاہ ء انت۔ پوریا گر ء
زندگی کج انت؟ ما گندگ ء ایں کہ مئے ملک ء مئے مہلوک، پوریا گرتبکہ، مید، شپانک ء
دہکان چو دوتانی وڑ ء کار ء انت۔ بلے آہاں دووہد ء نغن اوں نسیب ء نیست۔ جہند م ء
نان ء جند ایش وادار انت۔ سیٹ ء سودا گرنی واماں چیر ترا تگ انت۔ پہ آہانی چکاں دوا ء
درمان ء آسرائی نیست۔ آہانی چک ملیریا ء تپ ء مرگ ء انت۔ آہانی چکاں سہر کے
مرگ ء ار جان کنت۔ آہاں وتی زند ء ہچ وڑیں آسرائی نیست۔ آگڑا جہد کنگ ء پر چہ
ترس ء بیم ء آماج بہ بنت۔ گپ ایش انت کہ آہاں جد ء جہد ء راہ ء گیجگ بہ بنت۔ آہاں
تبتکاتی پکر ء زانت دیگی انت۔ آہاں مھے زانت ء زانگ دیگی انت کہ ہر چیزے است آشنا
ت، شمارا ہچ تاکت پر وش دات نہ کنت۔ دنیا ء ہچ تاکت گوں وتی زلم ء زور اکیاں شمارا
ایر جیک کرت نہ کنت۔



پوریاگرانی تہ اے پگرء مارشت ایوک ء شکاگوء آشوبی راہسوناں ودی نہ کرتگ، بلکیں اے پگرء مارشت دنیاء آشوبی سپاہ ولادی میر ایلچ لینن ء پیسین راہسوناں گوں وتی ساچشتی ء پُر زوریں (ڈائیناک) سرگل (قیادت) روس ء سرزمین ء آشوب ء دروشمے دات۔ دنیا ء تہ ء اولی رند ء پوریاگرانی اولی ہاکی جوڑکنگ بوت۔ 1917 ء پوریاگرانی ہاکی۔ ہسو! پوریاگرانی ہاکی۔ اد ء پوریاگرانی مانا ء دلوتانی ماناکی۔ لینن ء 1917 ء پوریاگرانی سرکار جوڑ کرت۔ آئی ء اے گپ متارینت کہ پوریاگر اوں ہاکی کنگ ء لائک انت۔ نہ ایوک ء آہاکی کنگ ء لائک انت، بلکیں تیوگیں دنیا ء مردمانی آکبت گوں پوریاگرانی ہاکی ء بندوک انت۔

واجہاں! میان استمانی جاورہالانی رد ء سوویت سوشلسٹ ء مزین آشوب ء رند، یک مزین سوشلسٹ ٹولی یے جوڑ بوت۔ اے ٹولی ء دنیا ء تیوگیں زلم آماچیں مردم ء ایردستیں تہہاں گوں ہمکوگی، ہواری ء تپاکی، یک ہیالی ء ہمنستی ء وتی جہد ء کاروان دیم ء برتگ۔

واجہاں! مرچی مابلوچستان ء یک سیاہ ء تہاریں نوہتے ء گوں وتی ایردستی، زوراک، بے وسی ء لاچاری ء سامراج ء پندلانی میان ء زندگی کنگ ء ایں۔ ما مال چہ ہما آشوبی جوزہ ء جزگاں سان زرتگ۔ ما چہ ہما آشوبی لیکہاں سان زرتگ کہ شکاگوء



پوریا گراں ودی کرتگ انت۔ مئے راجی جنز ہم چه همے لیکه ء اسر مند انت۔ ء مئے تہ ء ہم همے زانت ء زانگ ودی بوتگ۔ مئے جہد میان استمان ء رد ء سر جمیں زلم آماچیں تبکھانی جہد ء بہرے۔ مئے جد ء جہد میان استمانی بستارے ء واھند انت۔ مئے جہد ء دامن سچ وڈ ء انچو تنک نینگک، مئے جہد بلوچستان ء جہد انت، مئے جہد پاکستان ء پوریا گرتبکہ ء جہد انت، سندھیانی جہد انت، پشتوانی جہد انت، پلستین ء جد ء جہد انت۔ سحارہ ء زرباری اپریکہ ء جہد انت۔ ماے منارینگک کہ مئے جہد میان استمانی ایمنی ء جہد ء بہرے۔ مئے جہد ایشیاء، اپریکہ ء لاتینی امریکہ ء آجوتی جنز ء بہرے لینگک بیت۔ نہ ایوک مادیر وئی دوستیں سیاسی کارندہاں، بی ایس او ء گیرت مندیں پسگاں، بلوچستان ء ورنہاں، بلکیں بلوچستان ء پوریا گراں (ما آھاں زانت ء ٹیکنیکل ء حساب ء پوریا گرتبکہ نہ کن ایس، پر چه کہ بلوچستان ء چوشیں کار جاہ ء صنعت نیست) ء سرکاری ادار گانی نوکری کنو کاں وتی تبکی، سیاسی ء چاگردی سنج ء اے منارینگک کہ آھاں ہم دنیا ء آشوبی ء میان استمانی پگر ء لیکہ ء چه سان زرتگ، آوتی جہد ء پڑ ء بے ترس ء بیم ء تمہا گل سازی ء مشکول انت۔ اے درگت ء بلوچستان لیبر فیڈریشن ء کرد ساڑاھگ کرزایت۔ انچو کہ شماسر پد ات کہ بلوچستان لیبر فیڈریشن ء تیوگیں پوریا گراں همگر نچ کنگ ء هوری ء آھانی جد ء جہد ء را بلوچستان ء ایندگہ زلم آماچیں تبکہ ء راجاں گوں همگر نچ کرتگ کہ آئی ء اے کرد چھپر



پر اموش کنگ نہ بیت۔ بلوچستان لیبر فیڈریشن ء سروکانی کرد ساڑھاگ ء واز مند نہ انت۔
 بلوچستان لیبر فیڈریشن ء راھسون ھک نوبت ء سرکار ء ترس ء بیم ء دیم ء مزن مردی ء
 اوشاتنگ انت۔ ھے وڑ ء مئے ایدگہ یونینانی سنگت کہ مرچی اے دیوان ء ساڑھی انت، چو
 کہ ٹیچر ایسوسی ایشن، بنک ورکرز، پوسٹل ورکرز، پی ڈبلیو بی ء ایندگہ ادار گانی کارندہاں
 اے گپ مناریننگ کہ آھج وڑیس تمہا، ترس ء بیم ء آماج نہ بنت ء وتی جد ء جھد ء برجم دار
 انت۔ مرچی سرکار یک نیمگے آھانی جھد ء پادمال کنگ لوٹ ایت (انچو کہ اے سرکار ء
 ربیت بوتگ) بلے دومی نیمگ ء بازیں فرقہ پرست، تنگی (سکٹریالٹ) ء تانسر پسنداں
 (انتہا پسند) بلوچستان لیبر فیڈریشن ء پروشت ء پروش ء پندل اوں سازاتنگ۔ اے بزنی
 ھبرے ء ما ایشی ء ھمنچو ایر بہ جن ایں کم انت۔ پرچہ کہ ھماکسد (مشن) ء ھاتر ء رجعتی
 ٹولی، سرکار ء آئی ء دلارنگ ء تاج کنگ ء انت، ھے مکسد مرچی دیروئی دوستی ء ڈولداریں
 پوشاکے ء بہتیں نام گپتیں دیروئی دوستانی گور ء انت۔ ماھے سرپدیں کہ اے نہ ایوک
 ء بلوچستان لیبر فیڈریشن ء آئی ء سرگل ء ھلاپ ء یک پندلے بلکیں سرجمیں بلوچ راج ء
 ھلاپ ء چیلنجیے۔ اے چیلنج ء دیم ء دارگ ء ھاتر ء ماگوں وتی ورناء کماشاں دز بندی کن
 ایں کہ آاے چیلنج ء دیم پہ دیگی ء گوں ھماجوش ء جوزہ ء بہ کن آنت انچو کہ آھاں بی ایس
 او ء ھلاپ ء پندلانی دیم پہ دیگی ء کرتگ۔



منی بوہیریں واجہاں! ما اے درگت ء اے گپ ء گیشینگ لوٹاں ہما جہد ء کہ
 بلوچستان لیبر فیڈریشن کنگ ء انت ماگوں اے جہد ء آہانی ہمکو پگ ء ہمبر اہ اس (چاپانی
 تور)۔ بلوچستان لیبر فیڈریشن جد ء جہد ء پڑ ء ہما سرپ ء اوشاتنگ انچو کہ بلوچستان ء ورناء
 بلوچستان ء سیاسی تاکت اوشاتنگ انت۔ بلوچستان لیبر فیڈریشن اے گپ منارینگ کہ آ
 ریٹی زردوستے نہ انت۔ بلے کہ ادے پوریا گر تبکہ وتی روزگار ء ہکانی ہاتر ء جد ء جہد کنگ ء
 انت آہاں چہ وتی جد ء جہد ء اے گپ منارینگ کہ اے نیز گاریں گلزمین ء سر ء لس
 مہلوک ء واک ء ہاکمی ء ہک ء منگ ء ابید پوریا گر تبکہ آزات ء آجو بوت نہ کنت۔

آرہیں واجہاں! ما اے گپ ء پدر کنگ لوٹاں اس کہ اے ملک ء زلم آہاں
 راجانی درستاں چہ گیش بزرگ تریں تبکہ پوریا گر انت۔ مارا بازیں مردم ہمے گوش انت ء
 اے آشوبی شہزانتی (فلسفہ) یے ہم، ما اے گپ ء رد کرت نہ کن اس کہ پوریا گر پوریا گر
 ء برات انت، پوریا گرانی میان ء ہچ وٹیں تپاوت نیست۔ بلے پوریا گرانی میان ء پرک ء
 پیرانگیں استان، انوگیں پوجی سرکار ء بیورور کیسی ء پیدا ک کرنگ۔ آچو اے وڈ ء کہ
 آہاں یک راجے پے دیناں داسی ایندگہ راجانی سر ء مشنگ ء یک راجے ء پوریا گر، دہکان
 ء پوریا گر تبکہ ایدگہ راجانی ہک ء جنگ ء انت۔ ایٹی ء مستریں درور حب انت۔ اگاں
 حب ء پنچ سدکار جاہ اش اڈ کرنگ، ایسانی تہ پنچ سد بلوچ پوریا گر اوں نیست پرچہ؟ ایٹی ء



سُوب چے انت؟ زاناں بلوچ پوریاگری کرت نہ کنت؟ بلوچ پاسپانی (چوکیداری) کت نہ کنت؟ بلوچ چپر استی ء کار ء کرت نہ کنت؟ بلے بلوچ ء وتی چند ء سر زمین ء سر ء پوریاگری کنگ ء ہک اول نیست۔ بلوچستان ء، لہتیں ہسابی کار جاہ اش جوڑ کرتگ آ اول بند انت ء ایر انت۔ اے پوریاگرانی حال گرگ بہ بیت کہ آہانی چک شپ ء شد لاپ و پس انت، آ چار پنچ سال بیت کہ بے روزگار انت۔ وھدیکہ پنجاب ء کار جاہ روج بہ روج گیش بو ان انت۔ مردم ء بنگی آسراتی، بنگی لوٹ ء پکار کہ مردم ء بستار ء شمارا پکار انت، پنجاب ء دست کپ انت، بلے تئی کر ء نیست انت۔

منی واجہاں! مارا ء شمار اورگ ء پٹے آپ نسیب ء نیست۔ شہرک ء درور مئے ء شمعہ دیم ء انت۔ اسلام آباد ء میڈیکل اھوال (رپورٹ) ء رد ء شہرک ء آپ ورگ ء لانک نہ انت۔ اگاں کسے اے آپاں بہ وارت، آھزار تھر ء نادراھیبانی آماج بیت۔ بلے مردم ہمے آپ ء ورگ ء لاچار انت۔ بلے اے بے گیرت ء بے ہیائیں سرکار ء انتزام کار (انتظامیہ) ء گوشاں مورے نہ وارت کہ آپ مہلوک ء ورگی آپ ء بست ء بند ء بہ کنت۔

(شرم کن ات، حیا کن ات)۔۔۔۔۔۔۔۔!!



گیشواری

اے شہیدء و تن فدا احمد بلوچ ۽ گڈی گشتانک آنت۔ کئے ۽ زاننگ آت کہ فدا احمد بلوچ چوش ناگتاں وتی ایرد ستیں راج ۽ یل ۽ کنت ۽ مدائی نمیران بیت۔ 1 منی ۽ اے گشتانک ویڈیو ریکارڈ ۽ کمک ۽ ریکارڈ کنگ بوٹنگ۔ گشتانک ۽ گڈ سر ۽ چوش بوت کہ ریکارڈ ۽ گیساں (بیٹری) جواب دات۔ ریکارڈ رپہ لا چاری بند کنگ بوت۔ انچو شند نمیرانیں فدا احمد ۽ واب ۽ واہگ نیم بندگ بوت آنت، هے وڑ ۽ اے گڈی گشتانک اوں سر جم نہ بوت۔